

箴竹遺墨
光緒廿五年戊戌正月之十一日



頗宜茨室日記式冊

溫州府

00224

頌宜

日記 戊戌

正月元日晴晨起盥手焚香讀易午後金君秀

年是日中正日食至酉初復圓各祠廟鳴鼓拜

伏伐鼓于朝用幣于社之例也

初二日陰晨窗試筆午刻彬臣表兄來初夕芒苓玉

君二表弟來賀年傍晚陳丹卿弟來談論至更深檐瓦

敲雨丁丁作響余乃贈雨具以行

初三日晴早晨洪陳園夫子過訪適余赴諸親友家賀年

過諸逆父坐書齋讀十八家詩鈔卷中謝元暉五古日

暮訪林和未酌議札種藉田事時黃仲綬太史孫中容生

政創設務農會欲借重耨田為之倡也余屢不允其假有
拂同會諸君之意羣起怨言和未勸余暫為假之必不
作荊州久借矣勉強應允約以明日訂定宵閱時務報

第五十冊

初四日晴早晨全林和未過許竹友孝廉家各立合同耕
種藉田祖札竹友前輩又邀余入務農會坐股一分時陳
式卿篋亦至共談農學半日夕在鶴坡舅氏處論時事至
暮是日瑞俗為諸神下降之期余家未能免俗亥刻藝香
燭設茶菓拜接諸神

初五日晴早晨全僕出東郭登萬公山謁先高高祖富山

公墓越周湖諸嶺尋瀉岩巖由東迤北登集雲山謁先
曾大父石筍公誠軒公諸墓手撫明世祖清菴公十一世
禪吸川子墓碑下山日已過晡循途至高家坪聞梅花
香遣僕折兩三枝而返宵初在禪菊表弟家飲園真酒
席散觀玉君作擲菰戲歸時漏已三下

初六日晴終日坐書齋看閱微草堂筆記宵初挑燈看新
科福建闡墨

初七日晴終日坐書齋看閱微草堂筆記宵初吳之儻
來訪索觀余近作詩文暢談至夜未始去

初八日晴朝乘小舟全李芸荅表弟金秀珏兄赴下回張

震軒妹夫處賀年午飯後偕諸人看迎神又赴後里宮看三星班演前槐花一齣吾邑風俗凡各鄉當新正之月名曰會市家家婦女艷粧遊行陌上親朋相拜賀者亦於是日俱至茶果紛陳肴饌盛列東主彌盡殷勤猶存古人風韻宵初與芸苓紫石秀珏諸君來道上遊玩至夜深始返時張君震軒患風熱輔車作痛故不偕余同遊也

初九日情早晨在汀田聞土人來白昨夜丑刻東門外豐湖洞橋廟失火延燒市店及樓屋約計二百餘家破椽壞棟湖中填溢水為不流倉猝聞變心如驚駭良久已刻與李君芸苓憲章杜君紫石寶珠金君秀珏震軒妹夫坐檻英書

舫間談未後赴後里宮看三星班演楊延昭赴西遼取寶刀一齣宵初赴前林地主廟看新日繡班演三傑圖一齣享三鼓歸

初十日晴朝全芸苓表弟乘舟自汀田赴仙峽周麗峯錫姓表兄家拜年邀午飯未刻偕諸中表至莘塍看迎神薄暮回舟宵初月色皎甚身子困倦就枕早眠十一日晴頭眩作痛足行無力倚枕養神竟日宵初月白如銀出門散步過李玉君表弟家轉過西垣岳丈家談至二鼓而返

十二日雨朝孫中愷公子來訪夕鄭君一山索觀家藏

五百羅漢尊佛石搨像此石刻在天寧寺經兵燹後未免
瓦缺不全一山近閱邸報中誌及此事欲求全本不吝重金
購換云云聞余家有此舊刻故樂為寓目宵初葉生耕經
過訪二鼓始去挑燈錄玉甌山房刺藁

十二日雨已刻鄭一山兄來舍索觀家藏古畫啓緘發篋縱覽
殆徧鄭君謂余曰昔人謂擁書萬卷權拜可稱小諸侯吾子舊
藏墨寶甚富雖南面王無以易也又曰米家書畫載滿一船以
君所藏頗厚私號米家為小米孰則過之他日當置一跋以
贈余唯唯展讀把玩終日忘倦傍晚辭去宵閱紀文達公筆記
十四日朝陰有霧坐書齋看見聞隨筆夕微雨身子困

倦假寐半日是日丑時立春家家燒檜葉飲春茶爆竹
聲轟不遑接耳

十五日朝雨坐書齋看閱微草堂筆記申初陰赴顯佑廟
看聚昌班演伍員過昭關一齣近暮訪李仲寬餘芳前輩
過之出茶茗以待座間談及與余家為世交又言先君子
於友朋中情誼最為親厚不分貧富有古人車笠之風然
獨吾二人交尤深何意中道見棄失我良友每值深宵風
雨回憶翦燭清談兩相對榻今竟無復再聚墓餘宿草
根觸奚堪余聞此片言頓觸思親之感又兀坐良久始告
別

十六日晴朝全彬臣表兄赴惜字局收買字紙午後過學
許館交務農會股分錢文總司會計者孫中愷王雪璞
仁君也薄暮訪鄭君乙山談良久歸宵深赴顯佑廟看聚
昌班演番天印戲文事屬宋初跡涉怪妄蛇足之論斯為
近矣

十七日朝陰坐齋中看閱微草堂筆記夕代伍鳳樓朝光
表伯寫一函與池君鵬南化龍宵初雨赴顯佑廟看聚昌班
源別仙橋戲文至三鼓歸

十八日朝陰訪洪棟園夫子過之議抬廩事午前震軒妹
丈來賀年午刻小飲邀玉君表弟來陪席申刻大雨鶴坡

舅氏遣僕招震軒夜飲余亦隨去共飲至二漏下而歸

十九日晨雨尋止已刻孫學士止庵先生以暖轎來接余上

館諸門人拜謁受學者德禔季凡延曙賓谷延春三叔

姪女弟子韻蕙韻芙二姊妹共五人午刻孫中愷公子設

席留飲全席者洪君小湘孫君忱亦季凡昆仲父與諸

生說網鑑易知錄宵初雨霽過鶴坡舅氏家談論至更

深始返是日下午震軒返權回下田余在館不及送別

二十日晴朝在館與門人延曙說左傳昭七年楚子使然丹

簡兵節孟子書周霄章父與德禔說史記五帝本紀宵初

伴家慈暨次妹子過大舅母家一飯二鼓後接慈母歸妹

子留宿

廿一日晴晨有霜在館閱丁酉浙墨夕與門人德榘說曲園四書文宵初赴大舅母家攜次妹子歸

廿二日晴晨霜點瓦如銀在館與門人延曙說左傳昭十五年楚費無極害朝吳節孟子書彭更章夕調印泥校點陳止齋集首卷古體詩原本係孫止庵學士所校閱原注係孫大僕琴西先生筆墨也宵過玉君表弟家與舅母談至更深而返

廿三日陰朝在館與門人德榘說通鑑夕研朱握管錄陳止齋集第一卷眉批宵微雨芸苓表弟過訪談至二漏下

而去

廿四日晴終日在館調印泥校點止齋集第二三卷古體詩薈菴著與門人德榘說曲園先生四書文宵過西垣岳丈家與慶蒸內弟談至二漏始返

廿五日晴朝在館與延曙說春秋昭十六韓起聘鄭節說孟子書有攸不為臣節夕與德榘說通鑑趙簡子豫讓三四節又校點止齋集卷四古體詩

廿六日晨小雨旋霽在館說春秋韓起請環節孟子書戴不勝章夕校點止齋集卷五宵閱粉粧樓外史是日天色晴和漸有春意

廿七日卯刻大雷雨在館說春秋鄭六卿錢韓起節孟子
書不見諸侯章夕枝點止齋集卷六七宵錄王甌山房騰
稿夜窗敲雨影對檠燈春恨惱人不堪沉悶

廿八日陰朝在館說春秋却子來朝節孟子去關市之征
節宵初大風閱史記項羽列傳是日校止齋集卷八九十
廿九日雨終日在館校點止齋集卷十一二宵冒雨過家
益齋叔處酌議錢款至夜半

卅日晴旋雨晨訪鄭一山兄在館說左傳有星孛於大
辰節孟子禹掘地而注之海節夕閱丁酉江西鄉墨宵
書祭文昌君祝章

二月朔日陰朝在館閱江西鄉墨午飯後全孫君中愷
門人延曙遊頤園看山茶花大如盃紅白相間鮮妍可愛
延曙偷折二朶袖歸傍晚震軒妹丈遣伴來詢考甄別
事寫一函報之宵雨早眠夜半聞剝啄聲送到中山甄別

題目一紙

四書題去如是故遠人不暇對修文德以來之既來之
試帖題春入山村處處花

蘇文忠詩句 因限期迫促

披衣遽起即時神紙磨墨危坐構思至天曙始成半篇

初二日陰天氣寒冷早晨遣僕袖題紙送震軒妹丈續作

甄別文下半篇至午始就來人催促握管潦草書之恐

不及待邀鄭一山兄作試帖詩匆匆送繳余此時嫌文

未經磨琢字畫不整中心幾悶未後全一山出門遊玩

半日宵初困倦早睡

初半日晴朝在館出館課題

四書題傳說舉於版築之間詩題九百樓臺生細露料臺字陸扶翁句

并飯後全門人季芄賓谷在放生池邊小步調印泥校

點止齋集卷十三宵閱時務報第五十一冊三四幅

初四日陰朝在館說左傳昭十八年宋衛陳鄭皆火節孟

子孔子懼作春秋節夕身子困倦伏几而卧宵挑燈看

東甌選勝賦

初五日晨霜鋪瓦色白如銀在館與門人說書午後洪棟

園夫子邀余作觀風賦

賦題謝靈運登江中孤嶼以題字為押脚

明晨送交危坐構思

半日宵初李西垣岳丈過訪去後作賦至五鼓始脫稿

初六日晴朝在館閱尊經書院四集文近午僕來說震軒

至又勝觀風賦一篇呈棟園師夕閱高青叩詩集宵初

金喬遜兄來招震軒小飲邀余陪席食頃全歸與李君

芸苓陶君子玉金君品三昆仲作六博戲至天曙

初七日雨窗昏如暝終日與震軒妹丈秀鈺兄蘊齋彬

臣二表兄作六博戲繼之以燭時下三漏始就寢

初八日晴早晨震軒歸丁田余赴館與延曙說書夕改

德樽錄夢梅律詩一首宵初月色如銀中庭以步忽聞

雁聲即成五言一律有

初九日朝微雨在館出賦題

春華碧色以題為韻試帖 硯池筆架江山

與延曙說

書夕陰改季凡宵課文宵大風雨倦甚早眠

初并日晨雨旋止周子敬姻丈折柬來請為伊孫毓
松發蒙夕赴館改德榭窗課賦宵雨在子敬家飲酒
全席者朱寅谷周眉仙榴仙燁來錢來昆仲共六人
十一日雨朝在館與延曙說書午後聞雁聲改德榭窗
課文又試帖二首宵初書仲春祭文昌君祝文近日甚
痛左頰微腫煩熱不堪其苦

十一日微雨終日在館校點止齋集卷十四是日午後孫
季凡門人袖來其尊人止庵先生所擬傳說舉於版築
之間題一起講嘗思商之賢相首推河衡莘野之就徵似

無異歷山之發迹然其躬耕樂道早以天下為己任此不
足為尹奇也若夫未過之前躬胥靡之賤役既過之後膺
良弼之旁求斯固有始願所不到此者吾於商之中興得
一相焉曰傅說讀此文覺秀氣盤旋令人咀嚼不盡詩
曰老樹着花無醜枝信斯言也改延曙感時論中有刺
季合肥主和議之謀比之宋汪黃又言令之天下雖劉基
再出孔明更生亦不能為也云云言甚激烈此生年少
而舉筆有大議論洵可畏也申刻黃君楚臣來談及
章雲峯太老伯年逾八旬偶感風痰即於是日未後
辭世聞之不勝感激余家與翁為三世舊交問疑質

難半賴指點今忽溘逝如折一椽棟也刻又以館事羈絆親不行送殮心甚恨恨宵書仲春祭關壯繆祝文十三日陰旋雨終日在館校點止齋集十五十六兩卷宵初訪朱君寅谷不值轉訪金君香珏遇之談至二漏始歸十四日朝陰天氣極寒在館出館課題目井上有李雙燕歸來伴畫長校點止齋集卷十七午後葉君聲石鈔來館談西人傳教事聲石問曰西人之教近于黃老今之受其教者蓋紛紛矣予亦願此乎余應曰我輩儒者也讀聖賢書惟知受孔子教他不知所受夏君耀西德庚踵至袖中出戴羨門春帆入蜀圖相亦濶尺五許長可三四丈按是圖作

自嘉慶羨門先生備兵巴蜀時倩叔誦繪之附題二絕句畫筆澹遠不讓郭熙劉文清公瑞弁其首字畫峭勁蒼蒼入古後經兵燹遺失難尋其曾孫子開啓文太守後購之骨董肆中喜獲先人手蹟自跋其尾計得失終始共七十七年又倩人題詠率皆一時名宿今子開來歐司權務托夏君代乞止庵先生題之故獲寓目噫傳家墨寶百年淪沒而得自一朝此亦神靈呵護使然也余有前明先宮詹公畫卷昔先曾祖存蔣攸銛相國礪堂幕購之滄州今藏於家觀此墨迹因觸余心故併筆之申刻校點止齋集卷十八宵雨閱湖北鄉墨

十五日陰朝在館與延曙說孟子書夕遣僕赴芸苓表弟
處蘭玉尺書院課題生致中和三句童題夫微之顯閱
尊經四書文宵批燈構思欲作玉尺文未下筆精神疲
倦倚枕而眠其夜大雷雨

十六日雨朝在館與延曙說左傳夕作玉尺官課祇成
前八行宵批燈續作之至三鼓脫藁

十七日雨朝在書齋作試帖詩題寰海鏡清得清字夕訪鄭

君一山談論半日薄暮過陳君璞山鍾詩家遣一僮還邵仲溥其

人漁利無饜近于壟斷者流余有微潤竟被其侵蝕者舌鋒
相角至於大罵陳君亦從旁嚴責面赤頰汗自覺羞容難掩

噫小人陰險洵可恨也是夜批燈作玉尺官課童題文
至四鼓脫稿

十八日晴朝在館握管抄玉尺官課生題文午後全孫
中愷季芃二公子及其子延曙過頤園遊玩紅桃半吐
映水生媚仲君手折數枝歸供瓶中申刻抄童題文
薄暮未完燈右續抄之遣僕交繳李彬臣表兄過訪
談至二漏而去

十九日晴朝在館改季芃百花生日祝詞共四絕出賦

題言痕上階綺賦以題為韻詩題竹外桃花三兩枝夕閱高青叩

詩集燈右閱時務報第五十二冊

二十日朝晴在館與延曙說左傳僕袖來郡城肄經

堂孰別題目一紙

生賦題 東山綠竹賦 安石不出如蒼生何八字為押

童賦題 晉王右軍墨池賦以題 七字為韻脚 生賦帖題 小軒臨水為花園 且園晚眺 飛霞古樹行 夕下筆作賦共

四段宵微雨鄭君一山來訪亥刻續作賦四段至五鼓

脫稿

廿一日晴朝在館改季茂耕經二生肄經堂賦夕作試帖

詩一首五古一首握管抄賦并古今體詩薄暮寄郡

宵初訪金君秀珏過之談至二漏歸

廿二日晴終日在館改季茂憲課文一篇延曙歌體詩一

首宵初腹痛作瀉精神困疲身又畏風即邀季禔菊
表第診視謂用心太過脾胃稍損下大腹皮白芍等

藥

廿三日陰終日在館改季茂窗課賦宵初身子困倦早
眠是夜腹瀉不止精神稍為之減服午時茶一盞

廿四日大晴終日在館改耕經窗課賦共三篇是日午後

鄭君一山來館說昨日肄經堂賦寄郡逾限不錄余

陡聞之一時胸氣憤恨難平

廿五日陰早晨備牲醴赴東門甕城王公祠拜祭蓋昔

日我先夫與同社諸君創會拜祀是年適值余家祭也

按王公諱祚昌號十洲上饒人選貢明萬歷四十年任瑞
仁風惠政卓著一邑疾卒囊無積錢父老憫其清廉為置
方櫃於通衢聽民樂助不決日滿數百緡始獲殯立廟於
東關城中以示不忘載之邑乘歷有年所今則祠宇荒
涼苔蘚滿壁將就傾圮余有意興築之而未邀同志午
後在書齋閱先曾祖承德府志崇本申刻倦甚倚枕
酣臥半日宵初微雨邊林君淑泉柳君琴山頃君鶴庚
李禪菊表弟享餞席散時交二鼓

廿六日陰雨早晨震軒買舟來接家慈赴汀田午後
赴館閱時務報第五冊宵雨挑燈閱曲園先生紀遊絕

句詩箋六頁係曲園手錄寄孫琴西先生字畫高古不
同俗筆篇末有止庵先生跋語壬申三月十八夜讀一過
大賢履迹為寒鄉山水光華多矣年愚弟孫鏘鳴拜讀
并記共三十三字圖印紅暈墨迹猶新余曾讀先生舊
刻諸詩竊慕其為人今親覩筆墨何幸如之心有所羨即
時握管錄其詩以備朝夕吟唔已耳自杭州至福甯襟詩
雲山南望路迢迢却好風光轉柳條多謝蘭溪賢令尹
綠波春水放蘭橈

蘭溪今吳煥卿余門下士也知卷有福甯之行具

舟來迎

記客新安五載餘江干歲歲費舟車富春山色

桐廬水算理多年未讀書

余從前客授新安歲一往還必由錢唐

江潮流而上

舟窗閒坐倚雕欄兩岸烟巒似舊青料得山靈

還識我重來只少一奴星

奴子孫福乃昔年從余往返新安者後

以老乞婦庚辛之亂不知所終至今思之

指點西臺又釣臺客星

樓上暫徘徊祠前二十七回過來見先生第一回

七里瀧謁

巖先生祠後前十七度過此均未一登也

姊妹花開傍畫欄虛煩

翠袖進龍團那知據樓村夫子止取周官六曲看

時攜周

禮注疏於舟中讀之取其委曲繁重足以消磨客況也

廿載論文舊友

生此來快聽好官聲從知吏治無他異只與文章一樣清

舟至蘭溪吳煥卿大令來迎煥卿從學於余余極賞其文筆之清及成

進士以知縣來浙余語季不答撫部曰此君作令必佳公問故余曰昔

見其文氣甚清下其作令亦必了了也

玉座荒涼異昔時蘭溪城

外偃王祠何當更訪陵山廟手搨昌黎半段碑

蘭溪有

徐偃王廟昔曾游焉今領地過半矣或言龍游陵山偃王廟有韓文

公碑尚存半段余昔過龍游未之知也以詩記之行且託人往訪自過金

華灘轉高篙師撐折萬張篙西津橋畔重回首辛苦輕

舟壓怒濤西津橋在永康城外何處芙蓉五朵峰入山便

與畫圖同籃輿不走紅塵路只在泉聲山色中永康有五

峰之勝昔人所謂分明朵朵翠芙蓉者也然入山後峰巒疊疊亦莫辨何

者為五峯耳試從木末一登臨綠柳紅桃徧水潯畢竟南

來春信早春分未過已春深湯冰舊治在山鄉名蹟

詹鑿登瀛熙乙未第原
作宋是止庵老人

流傳頗未荒道左豐碑丞相墓嶺頭桓表狀元坊縉雲

城外有宋丞相趙公神道碑惜未訪其名嶺上有狀元坊為宋作明狀元詹

駁建其嶺即以狀元名桃花高嶺路灣環曲曲溪流面面山松

竹叢中一條路行人都在翠微間繞經半嶺日將斜漢

壽祠前且啜茶却喜縣官能解事課民嶺上種桃花桃花

嶺本無桃花蓋以形得名道光間縉雲令熊君種桃萬樹以副其名厥後斬

伐殆盡今縣令徐君又議補種之馮公嶺上卻金館見說前人此

卻金重疊紅箋書吉語碑頭姓氏費搜尋馮公嶺有崖一

區顏曰卻金館有碑云江右何公卻金處萬歷十五年胡緒蔡廷臣喻均

立石而館當孔道為冠蓋往來聲息之所研又居門外正中適當樹墓門

廈河小舡似以舡形如
梭得名曰梭舡止園老人

去始得見之 出山便至廈河邊三日籃輿此息肩我本烟波

一漁父故空來此坐蓑船廈河在處州城外有兩種船曰漁船曰蓑

船余此所坐蓑船也石門洞口雨中過雨後山光翠更多行到

巖前看瀑布直從天半瀉銀河山中誠意舊儒宮婦

豎能談佐命功我向堂前拜遺像旗峰西轟鼓峰東石門

洄為劉伯溫先生讀書處遺像西存曰旗曰鼓乃其左右二峯也故人仗

節鎮東甌一別西湖又幾秋今夕且園一樽酒從頭聽話

雁山游溫州見方子穎觀察共飯於其署中之且園縱談至夜分并
示雁山游草一卷更煩高會集羣賢特為征人啟別筵領

略怡園好風景不辭半日此留連

方子穎觀察裕昭甫太守陳

友三大令錢余於曾氏之怡園園有泉石花木之勝亦東甌一勝地也

華

蓋山頭暮色催肩輿草草出城隈如何好事諸君子肯

逐康成車後來

余將發温州有徐君吉汀至逆旅來見又有陳君

仲珊至旅舍而余已發遂追及之於舟因紀以詩藉存一日之雅也

飛

雲渡口水茫茫歷歷風帆海外檣江面亂流行十里依

稀風景似錢唐

平橋曲水路紆徐一葉輕舟載筍典

沿路飽看南雁蕩濃青淺黛染衣裾

自平陽坐小舟行三十

里至錢倉一路山色甚佳層巒疊嶂應接不暇蓋即所謂南雁蕩矣

榕

樹陰中曲曲隄直從蕭瀆到琳溪瓜皮艇子沿隄去未礙

溪橋三尺低

山溪行盡又山岡且喜松篁夾路長想

見山中生計足高高下下菜花黃

嶺上巖巖分水關

令人回首故鄉山歸途僅踐山靈約雁蕩天台咫尺間

此行因急於至閩省視老母起居未及一探天台雁蕩之勝方子穎觀察

訂歸途滯雁蕩并願為雁蕩作主人然余又急於回杭補行話經之課未必

能知約也分水關乃閩浙分所處

榕城開府親家翁此去偏慳一

笑同今日入疆觀教令詞詞忠厚古人風

閩撫王補帆余同

年生又親家翁也此行往返息未及至榕城相訪自入分水關於半嶺塘

見君教令四條皆六言韻語勸其士民以致品勵學息訟止爭知君用意

良厚也

自為衰親千里來敢煩地主具尊豐白琳多謝黃

明府洗我征塵酒一杯余以定省來閩設行甚速過福鼎縣未及少留也而縣令黃明府使人追及之於白琳逆旅中治其豐腆意甚愧之

五蒲大小盡躋攀又度崎嶇六六灣見說武夷山九曲此行四入武夷山去五蒲小五蒲均嶺名也自此至蔣洋山形繚曲故有三十六灣之名矣

四山雲氣已模糊旋覺陰霾一掃無若比當年衡嶽例鯁生何敢望韓蘇是日初登車雲氣達濠及上五蒲嶺也已有微雨余以是日所經多高嶺深以雨行為憂默禱於神旋即開霽暗日杲杲蓋神佛之祐也

石壁嶙峋高插天大王嶺在萬峰巔明朝更度觀音嶺入霞浦境後嶺路尤峻高大王嶺及觀音嶺為最歷盡危途仗佛憐天梯回望倚雲根水複山

重不可論卻羨阿朶來傾邸萬山深處一官尊天根亦嶺名度天梯嶺即福甯矣

水陸舟車一月忙征衫又此拜高堂修書先報老萊婦為說慈闈壽且康余行抵琳溪壬甫兄使人來迎詢知慈親康健即馳書報內子知之

廿七日晨雨旋霽在館與延曙說左傳夕說通鑑兼易知錄更初過玉君表弟家談至二漏而返

廿八日陰朝在館出題目伯夷辟紂居北海之濱 試帖題南浦波平春水生得春字 改葉生耕經窓課賦夕校點止齋

集卷十九閱曲園止園之先生詩牋又王六潭詠霓比部詩即手錄之曲園中秋之夕與兒婦孫兒女外孫兒

女曲園看月口占二絕句以博一笑 大好光陰八月中最
難有月却無風盤中瓜果盆中餅也學吳儂拜月宮

不醉中秋又四年偶乘清興一流連展開八尺冰紋簟席
地團團坐月邊

時新得東洋疊席即布之曲水亭中席地而坐

上圖

黃婆行

并引

黃婆祠

在上海龍門書院西僅隔一墻乾

嘉以來為布商會集之所歲時祈賽選舞徵歌游觀之盛甲
於一城自番布盛行遠商不至祠亦冷落無有過而問者為
作此詩 松江之布天下聞滑如凝脂皎如雪裨夫販婦輩
金來爭入市門車脫轄齊紈魯縞交馳名北走徐淮南閩
越泉刀流溢意氣豪華黃婆祠裏笙歌發黃婆不知何時人

白髮荆釵青布裙來自何方莫可攷一塵托處申江濱絡
車機床出手製日以紡織教鄉鄰清霜落野碓杵動寒
月入窗燈火親開場列筵百貨達閭閻販風俗醜傳聞
昔年香火盛撞鐘伐鼓秋復春自從番布入中土詭技淫
巧日相聚大邦繒纈無光輝妖服斑斕滿編戶但知耳目
悅新奇不辨質地孰良監女紅失業半惰游未免饑寒
無處所祀事不脩過問稀蓬蒿沒階苔生礎一物盛衰奚
足論太息人心不復古我來祠下數經過西風落葉鳴庭
柯手夔辨香且一揖帷帳缺落縣絲窠曩時浩穰不
再見黃婆黃婆奈汝何

六潭

送曾劼剛少司馬還朝

四律 天山西北鄂羅斯 帝遣通侯仗節時賴以片言

消及側賢於十萬遠移師運籌記讀征軺筆活著能參

覆局棋道是 中朝人第一單于應悔識君遲 伏波銅

柱舊時功遙望扶南似掌中未許契丹未割地如何魏

絳善和我山橫安子邊氣惡江遠宣光落照紅至竟虜

廷譚漢使故知兵部有家風 恒河舊產菩提樹此日

都栽鴛粟花誰遣毒流中土過可無緡斂入關賒懲羹且

蓄三年艾貢賈爭隨八月槎獨有怒江嗚咽水春風怨不

到天涯 侯與英高存緡祀垂成而過受代 上林旦晚望鴻飛

喜邁征夫有袞衣西海帛書馳武節東山霖雨待公歸

滄波萬里乘風利 宮樹千條近曙暉記得天津橋畔

路昔來楊柳尚依依

宵閱永嘉縣志是日中愷公子以荷葉包供予食此物

以麥糝粉為之形圓如荷葉角周四折中實蔥菜食

之味最甘脆齒頰俱芬因用東坡先生和黃魯直食

笋韻以紀其事

廿九日微雨終日朔風大作天氣極寒在館出賦題春寒

賦以春寒花較遲為韻詩題琴聲笛韻五律各一首補抄

惜陰書院古今體詩抄本目錄宵過玉君表弟家問舅

母安以近日舅母稍患風寒也

三月朔日大晴朝在館改延曙感時詩補改舊作詩夕
校閱止齋集卷二十一宵初全張君小維陔過泡雨巨館
縱談時事至二漏歸

初二日薄晴終日在館補改舊作詩更初微雨過西垣
岳文家與林君梅仙友棋內弟談至三漏而返

初三日薄霽朝在館補改舊作詩夕閱且甌集更初過
玉君表弟家至二鼓歸批燈閱客窗閒話

初四日陰朝在館補改舊作詩夕改季凡窗課賦五律
三首宵初補抄舊作詩

初五日朝晴在館改季凡試帖詩二首未後慈親借震軒

妹丈自汀田歸更初微雨金君秀鈺來與軒兄暢談至二
鼓補抄舊作詩

初六日晴已刻請震軒妹丈為二子煥枏煥榘發蒙邊
芸苓表弟作陪夕出所錄舊作付軒兄評閱宵初設上
館酒在坐李西垣岳丈震軒芸苓禔菊玉君諸中表
拿秀珏兄觥籌交錯主客暢談漏三下始席散

初七日大晴朝在書齋與軒兄論文出館課題東里子
產詩題燕外晴絲卷得絲字遣僕送館近午蘊齋表
兄來邊飯午後全震軒訪林君總仙遇之楊君志齡踵
至總仙家藏多古畫余乃索觀始出相示一為趙文敏

公畫馬圖幅長二丈許首尾裝以黃綾題跋甚夥中間
列文敏真蹟傍有小方印二趙氏子昂松雪書畫共小字
近籀文體泥色甚紫驕皇數十以淡墨工筆為之或先
或後有飲水者有在林下者有騰蹕相搏者有昂首
掉尾者一起一伏逼肖全神昔曹將軍畫馬擅其長觀
此不多讓也一為仇英二喬觀書圖繪以黃絹色甚黝丹
青著筆芳容粉態如觀可人一為王翬山水畫冊共八
頁每幅之尾李石農觀察題一絕句末款識西巖三兄
大人屬題石農李鑾宣共一十三字一為榆樓校詩圖
一為湖上吟秋圖此二圖都屬任渭長筆墨是端木叔總

先生家故物又有董思白草書筆勢瀟灑有飛鴻
戲沼氣象觀此墨寶古香古色愛不釋手觀竟總仙
談及余家藏有永嘉古磚玉甌集曾載之今不知遺
失屬諸誰氏手余因有所感竊意千古秘珍有以得之
必有以失之豈殊尤之品果招造物之忌乎抑孫曾不
能守而輕棄以予人乎心羨此磚傷塞翁之失在我亦無
如何也日向晚始辭別軒兄轉向志齡乞借廣藝舟雙楫
一冊袖歸宵初閱南宋雜事詩
初八日陰終日在館改季凡宿課更初微雨尋中閱
承德府志是夜有霧

初九日薄晴朝霧漫天在館改季芄宦課出賦題賣
花聲裏過清明以題字為韻燕剪鶯梭各二絕才與孫
延曙說綱鑑易知錄南宋紀至高宗十一年罷岳飛奉
朝請節朝請云者不為官無員唯奉朝請而已漢制春
曰朝秋曰請如古諸侯行聘之禮史記吳王濞傳使人
為秋請前漢宣帝紀時會朝請又朝請漢官名張禹
首為之唐書百官志從五品以上曰朝請大夫正七品以
上曰朝請郎綱目書罷奉朝請檜欲奪飛兵權成己和
議之謀使居閒官不與朝議亦明升暗降之例也今之
大僚致仕閒居祇受朝廷欽賜或遇恩加銜附片奏謝

或以乃祖勲勞蔭其孫子使彼他日長成引見正此類
也日向暮門人季芄出其尊人止庵先生所擬伯夷辟紂
二句題文後二比筆力老到有韞山氣味洵為後學楷
模操筆率錄以為吟哦之助是非夷之果於忘世也朝
政之濁亂有不可一日與居者矣試思鄉人偶立豈能
挽我猶且凜衣冠塗炭之防況穢德升聞如紂尚可傍
徨不去乎囚奴焚爇之刑目不忍見沈酒酣歌之習耳不
忍聞獨夫之罪惡日盈夷真有欲不辟而不得者揚北
海之波以濯吾纓馬可矣抑非夷之不知有君也天性
之高潔有特立於萬物之表者矣試觀新王受命誰

不歸心乃忽動虞夏黃農之慕豈毒痛四海如紂猶不
思超然遠引乎無微箕之親効忠無路與廉來弟在黨
惡奚堪朔漠之風霜雖苦夷若有甘居此以長終者枕
北海之流以洗吾耳焉可矣
宵初困倦伏枕鼾眠漏
三下睡覺剔燈閱圖繪寶鑑

初十日大晴晨刻出門赴館過八角橋見大街各店鋪門
關不啓人聲洶洶爭說今春米價騰貴貧民不堪其
苦市為之罷夕葉生耕經來館出賦題賣花聲賦以一
竿紅日賣花聲為韻詩題簾波鑪篆五絕各一首校點
止齋集卷二十二中後虹見驟雨傾盆雷聲大作震碎

所坦關壯繆廟屋脊余為之一駭宵在書齋中閱太
鶴山人詩過西垣岳丈家與友樵昆仲林君梅仙暢談
十一日陰終日在館改季凡窗課賦宵雨錄舊作試
帖詩李雲苓表弟來

十二日陰雨終日在館改季凡窗課文申後僕來館報
震軒兄偕諸甥女自丁田至余歸不及過宵初閱劉文
成燒餅讖語

十三日陰雨終日在館校閱白氏長慶集宵初訪金君
秀珏過之

十四日朝陰在館校點止齋集卷二十三夕大晴校點

止齋集卷二十四又改季尤七絕四首延曙五言一首
中有鶯梭一絕組織閨人漫許同天然門巧讓鶯梭長
安花發渾如錦都在春光一擲中自謂用筆渾脫故
登錄之出館課徧國中無與立談者詩題乳鴨池塘水
淺深得塘字葉生耕經來談及初十申刻大雷電上港
諸村忽遭雨雹壞早秧鷺粟約數百餘畝吁可畏也更
初過李玉君表弟家晤談是日薄暮止庵先生遣僕來邀余去晤談
片刻歸
十五日陰清明節迎城隍神朝閱日知錄夕閱南宋雜
事詩宵雨閱續齊諧記

十六日薄晴終日在書齋作中東府課生題陳亢問于

伯魚曰兩章童題子貢問友四章詩題竹室生虛白
得生字更深有雨

十七日微雨朝在書齋復握管改昨夕所課文夕抄文
并作試帖詩薄暮寄鄰宵倦眠

十八日大雨晨起在書齋校點止齋集卷廿五廿六廿七
九三十午後鄭一山兄過訪索觀瑤華道人詩鈔藁
本宵閱盛世元音

十九日陰朝在館校點止齋集卷三十一午後全季尤
延曙看老日繡班演碧玉簪一齣宵初在燈幔下遊行
二十日薄晴朝在書齋作燈謎數則午後遣僕呈洪

棟園夫子一閱張君肖維咳來宵初攜甥女秀綿蕙

女柎樽兩兒在燈幔下遊玩

廿一日晴終日在書齋作中東師課生題天下有道則庶人不議策題問漢通西域而匈奴遂微唐以南詔攻吐蕃宋以蒙古破女真而邊患愈熾得失之故安在試詳言之詩題天際長江巴字迴得天字王維送崔太守詩上句霧中遠樹乃州出是夕城隍神遊幔携甥女兒女出遊至二鼓歸

廿二日晴日有暈周徑可四五丈朝在書齋作中東師課午後李芸苓表弟來閱日知錄策府統宗更初

携甥女蕙女在大街看城隍神出遊燈花鬥艷光彩射人遊客往來幾如江潮奔湧也

廿三日大晴朝在館抄師課文夕作策問一道試帖一首并抄就薄暮寄郡宵初倦甚倚枕鼾眠

廿四日晴朝在館改季芃小課校點止齋集卷三十
二夕閱止庵先生丙戌滄游日記

廿五日晴朝在館閱邊事彙鈔午後震軒妹丈來余歸暢談申刻偕諸甥女泛舟歸改季芃小課更初閱紀曉嵐先生試帖詩是夜霧氣瀰漫對面不見

廿六日晴朝在館閱邊事彙鈔午後向中愷公子索觀

黃仲攸太史所書摺筮共舊作四首因錄之 庚寅春
戲和同人祭金危危詩 垣西執法應星占老憶暮羹
未下鹽韓愈送窮傳戲筆王充詰術付疑籤朝朝如
願探囊具歲歲長恩著錄添相祀千官資糾肅土風
越祝未須嚴簡越鳧鷖經文新聞候吏占西行重服玉華
鹽閒吟鶴背腰纏貫親作蠅頭手署籤寶乞黃瓶
從此聚香知紅袖夜來添雍郊漢時迷煙草太息君
才似馬巖簡雲門簡雲隔年鏡聽得祥占忍把妍書比媿鹽譏
日訂謠應有說會天技秣竟無籤且欣春去朱明至莫
遣金成白髮添粗服亂頭饒大嚼何如齋沐寫楞嚴

簡廉沈林學易玩辭占詩思尤如水著鹽幾日操蹄
勞野祝一家開口發郵籤裁戲喜動賓朋問舉燭翻

令故實添却笑玉陽廉又後黃金別有祕方嚴簡子

培兼示可莊

改季芃小課宵初閱紀文達公筆記

廿七日晴終日在館改季芃宵課宵初大風聞雷而無
雨過舅母家談至二漏始返

廿八日晴晨赴館出館課題我非生而知之者詩題舞

雩歸詠春風香得香字偕同社諸君登西峴山公祭

倉頡帝君午刻在管君杏浦家享餞申刻赴館改季

芃小課餞春詞四絕宵初在舅母家談論至二漏

廿九日晴朝在鶴坡舅氏家為乃文表侄發蒙夕在館
出賦題與季芃在洒巷賦以斯是陋室惟我德馨為韻
詩題陳平宰肉得分字與耕經賦題花塢夕陽進以題為
韻詩題春魚三月聞得春字更初在舅氏家飲酒至二
鼓歸是夜大雷雨

三十日陰朝在館抄錄前日所作策問一通夕閱止庵先
生滄游日記詩節錄 將由龍門赴鍾山戲為雜詩七

絕寄遜學翁以博一笑

祠官香火借消閑豈足為師強

抗顏六印漫夸蘇季子一時管領四名山

温州之肄經上海

之龍門魚求志史學掌故內齋今又領江甯之鍾山直壘斷耳思之一笑老

年行役婦人從語出禮經恐未公獨許兩兒攜伉儷望

孫心事切衰翁

同人多勸余攜眷屬者因命兩兒各挈其婦以來

遠道臨歧囑付多故將豪語壓驪歌成名安事毛錐子

奈此儒門破例何

三兒不喜八股命偕次婿張震起天津從事

於北洋海防

八行書尺非靈券竟向西官乞寶符今日始

知山長貴不容關節到龍圖

京朝官請托私函俗謂之八

行書龍門肄業生額三十六今出缺三求者紛至竟有挾外國領事官書

至者擲還不收士習卑鄙至此向所未聞

百重堆紫氣先降縱

有龍文筆懶扛仗老何嘗親口授黃童江夏况無雙

門人黃叔庸相從為余棄校山長有幕賓其亦創例敲門卷重來

認故巢舊游驅鷺早神文如何鳩雛紛栖托寄語魚龍莫混淆

龍門鍾山舊學聞余至多欲佳院乃有候補丞倅借肄業為名先期移入者豈以書院中有仕宦捷徑乎殊不可解此去擬書容

座四約揭于廳事勢藉托其一也講院長年水繞門雨餘猶

帶艸泥痕城南不少山林好特向將軍借樸園

昔日鍾山予去後改為牙釐局今於故址重建闢極宏敞而地甚低窪

門外終年常滿水山長所居屋尤潮濕不堪周海船軍門有樸園在

治山麓幽勝特絕次兒語績過津與之商借似承許可

宵初過李岳丈家暢談

閏三月朔日晴北風極大終日在館改葉生耕經課賦二

篇宵閱燒餅歌

初二日雨終日在館改季凡窗課宵初閱客窗閒話

初三日晨雨章君子貞家赴吊在館改季凡賦一試帖

詩一夕陰改延曙論宵初見星過西垣外舅玉君表

第家

初四日大晴終日在館校點詩周頌兼錄眉批原本係

止庵先生手筆改季凡小課文一試帖詩一宵閱東

萊博議

初五日晨微雨與延曙說書夕陰欲作玉尺書院官

課構思頗苦而未下筆生題君子食無求飽一章童

題我將去之詩題紅樹枝頭日月長得長字上句碧
沙洞裏乾坤別曹唐劉阮洞中遇仙詩宵初倦眠
初六日陰終日在齋中作玉尺生題文至薄暮脫稿伍
鳳樓表伯過訪宵初作重題文用文選體頗得意至
三鼓脫稿又作試帖詩

初七日雨赴館出課題於我如浮雲詩題蓬萊宮中
日月長得長字抄玉尺官課文二篇竟日至暮遣僕送交
宵過玉尺表弟家與舅母談論以玉尺近日困於六博耗
盡囊金不堪室人交謫有如斯也

初八日晴終日在館校點詩大雅魚錄眉批補改季芄

寒食禁烟歌宵初過玉尺表弟家與林紫來

景初丈

彬臣表兄暢談是日蘇運卿

錦霞

大令卸篆素新裁

培明府來接任

初九日雨朝在館出賦題簾波賦以湘簾疏織浪紋
稀為韻改延曙律詩午刻黃君楚臣過館夕改季芄
宵課更初過玉尺表弟家

初十日半晴半雨閱國朝八家四六文西堂雜俎二集

止庵先生滄游日記詩附錄連日得雨池荷盛開院

中諸生皆為之詩余亦作五古一首一雨洗炎熇生意

觀百株池荷亦爭開早涼送芳馥蒼珮紅羅襦亭亭

出新沐在遠香益清靜立氣自肅乘時發華英匪
以悅耳目繞闌日百回相對慰幽獨賸我同學友新
詩如珠玉曷為君子花師說其三復 出賦題付葉
生耕經玉蘭花賦以色白微碧香味似蘭為韻詩題浣
花遠頭宴於杜子美草堂滄浪亭得遊字宵作中東
縣課文生題勞之來之匡之直之輔之翼之使自得之又
從而振德之童題飽食煖衣逸居而無教則近於禽獸
聖人有憂之詩題師道立則善人多得師字腹有詩書
氣自華得華字時文三鼓始成半篇倦甚而眠
十一日雨朝在館續作縣課文下半篇夕抄文試帖詩倩

茂弟作之薄暮寄郡宵閱國朝八家四六文

十二日薄晴朝在館改季茂小課午後泛舟赴丁田申刻
抵岸更初坐書舫中與軒兄論文良久困倦殆甚就枕
而眠

十三日大晴朝在丁田與軒兄閒談午後泛舟攜二甥女
歸申刻抵家宵初作府肆經堂賦生廢冗員論變兵
制策童崇節儉論廣積穀策賦題十四夜月賦以萬事
將圓未圓好為韻十六夜月賦以十分未見一分殘為韻
賦得殘月得殘字五言十二韻時文四漏脫稿是課與
鄭君一山合作策論歸鄭兄作余作賦

十四日大晴朝在館出館課題春省耕詩題亂山銜月
半牀明得牀字復改府拜經堂賦半日午後作五排詩申
刻遣僕付一山兄抄就寄郡燈右倦甚早眠

十五日立夏節朝晴重慶迎城隍神在書齋作賦次篇
做六朝體格頗得意午後小雨倩一山兄來抄賦薄暮
寄郡宵初全芸苓表弟在燈幔下遊行至二鼓

十六日晨小雨郡人鄭老海送到師課題目生子貢問曰
何如斯可謂之士矣三節策題問西國學校與中國古
制其異同得失若何詩題平明閨巷掃花開得開字童
星辰之遠也詩題劍河風急雲片濶得風字午後攜諸

兒女甥女赴水心陳府陶尖各殿遊玩至薄暮更初訪
金君秀珏遇之暢談

十七日晴朝訪鄭一山兄午後震軒妹丈自丁田來是
夕陶尖廟會請城隍神燈月交輝笙歌徹耳老母偕
諸甥女往觀余亦隨侍至四漏始歸

十八日朝小雨旋霽余君松舫過訪全軒兄談論半日
午後大風雨寫函寄郡城院夫吳乙生處更初全震軒
在陶尖殿看三星竹馬歌合班演偷詩武松鬧快活林
諸齣

十九日雨早晨丁田村人刺舟來以窩甥稍患風熱故

接軒兄歸余偕稚菊表弟附舟近午抵岸夕在劍膽
琴心吟舫中坐看久之階前新植桐樹青芽細茁秀
色可掬綠水浮荷雨珠碎綴此間習靜大得佳趣宵
初欲作師課文精神困倦伏几而睡

二十日半晴半雨終日在丁酉作師課文薄暮脫稿宵
初作試帖并策問一道雜聲三唱就枕

廿一日半晴半雨早晨在丁酉騰師課文并策問試帖付
軒兄改削午刻握管抄文至申始完篇即泛舟全禱菊
表弟携小甥女秀綿歸更初倦甚早眠

廿二日晴朝在館錄詩小雅北山篇眉批夏君耀西許君

叔璣葉君伯蓀過館申刻借鄭一山兄赴水心廟看蘭
花樹此樹以竹竿為之長可五六丈花木鳥獸剪綵紙
成之中有藥線細引實以硫磺火發直如銀毬跳舞
勢不可遏人以目所未觀皆爭先而來游女雲集新粧
競鬪湖中舟楫首尾相銜岸上肩輿腹背交接人山人
海何茫茫如是也更初借金君秀鈺暨諸甥女在燈幔
下遊玩至二漏盡冒雨而歸

廿三日雨朝在館僕送到縣拜經堂題目生以閏月定四
時成歲賦以題為韻詩題懷抱觀古今得觀字重春
兼三月閏賦以歸奇於劫以象閏為韻詩題水積成

淵得成字夕芄弟袖來其尊人止庵先生擬作井上有
李題文作法周密讀之有味爰附錄之李特有於井
上若可為廉士幸矣夫一李耳何有之足貴天於仲子之
廉若有曲成之者井上之有能不為仲子幸乎嘗思士
之真能廉者無所求於世無所取於人絕無一物之能櫻
其心也豈非空諸所有乎顧不營一物以自保其廉者
固貞士之清操而特生一物以曲成其廉者乃造物之深
意當此貧病苦飢茫然四顧幸碩果之僅存真不啻有
隕自天矣仲子以三日不食至於無聞無見斯時也竈
突不黔壺漿莫乞室以內釜甑生塵門以外蓬蒿塞徑

欲求可以療飢者固一無所有矣而我論仲子之廉乃及
於井何哉將謂仲子慕沈淵洗耳之風而沈淪終老恥
以其身與世娛有類於廢井之不食乎而仲子之廉不
必取譬於井也訪古蹟於於陵令人流連而不能去者
以井上也將謂仲子礪漱石枕流之節而澹泊自安不
願以心為形役有取於古井之不波乎而仲子之廉非
必取鑑於井也考於陵之逸事至今傳播為美談者以
井上也所有所有維何曰有李在豪族侈讌遊之樂浮
瓜與沈李同誇仲子雖閩名家而一自息交絕遊無復豪
華故態安用李以供筐篚之將茲何以有於井上也灼灼者

中愷公子出魚膾以佐餐此魚產自江右鄱陽湖當秋
中桂花開時最為肥美故名桂花魚洪太林太史宰
餘干所惠寄也食之甘脆異常不減鱸膾

廿六日大晴終日在館改季芃延曙窗課更初過李
玉君表弟家與品蓮和尚論詩談及夢中作詩得一絕
醒後僅記覓詩箱三字足成之性耽翰墨類瘋狂贏得
雙瞳鎮日忙才放吟情偷一息夢中猶記覓詩箱又述
止園先生題圖詩趺坐長松下嵐光滿碧山同參無上
品心共白雲閒自言平日好詠白香山詩頗得三昧凡經
史書傳亦時為寓目惟佛經宿緣太淺披覽渾如隔膜又言夙

耽遊覽一年中寄跡於名山川者十有七八矣此則縉流
之秀者也

廿七日大晴天氣頗熱晨起腹痛夕赴館出賦題與葉生
耕經題漂母飯信以吾哀王孫而進會為韻詩題嚴子
陵釣臺淮陰侯釣臺五律改季芃絕詩計共八首更初
大風閱時務報第五十九冊

廿八日陰在館午刻登西岷山與同社諸君公祭倉頡聖帝
以重慶來為祝謁夕諸門人不在館過縣署與黃楚臣暢
談半日更初全金秀鈺在小沙堤看同福班演衣珠記
廿九日大晴朝在館改季芃窗課賦午刻震軒妹文自

丁巳來今去小沙堤看同福班演分水釵一齣薄暮返樞更

初全秀鈺看演蔡劍記

四月朔日晴天氣極燥終日在館改季芄窗課補出課題則

茅塞之矣詩題月色江聲共一樓得樓更初大風雷雨雷書孟夏雲

祭祝文閱永嘉集外編

初二日陰朝在館改季芄蘭亭集序書後五古夕錄詩小雅

桑扈都人士篇眉批姜君彤軒因輔過館暢談閱止庵先生

滄游日記節錄其詩虛谷索詩書一律付之到處雲林

好置身一菴近與草堂隣重逢萍梗緣非淺本色須眉寫

易真說法原來無我相授詩或亦有前因今朝分餉伊蒲

供滌盡羶腥舞臙神虛谷日前來見欲為余再寫半截小像索予前詩盡忘之矣因賦此首末二語謂其饋我素饌三種甚佳也

瑞邑擇初三日縣試是夜今胡穉鶴鄭一山二君為醉石內弟

送考天將曙歸看集雲山巔燈火星星若上若下而又明滅

不定問諸父老曰此神燈也大加詫異

初三日薄晴朝在館覆校詩小雅夕改季芄窗課倦眠半

日薄暮謁止庵先生是日縣試首場已冠題目我善為

陳二句未冠題王曰無畏次題無過雅詩題凡今誰是出

羣雄得羣字宵初在場前看接考

初四日大晴朝在館閱止庵先生詩藁詩節錄竹居

納涼作詩一首贈楚珪並題其竹居圖詩千竿萬竿冶

楚瑤自題其官口合實軒余
凡為書願楚瑤嗜古博雅能
讀書從江梅村老儒游自構
書室於此枕治山之麓有終焉
之志近為其寡人德惠應下科
鄉試願思從事興業詩未白
及之楚瑤之六弟寶書字玉
森年始十九亦工文官佳子弟
也

山竹庭前環立森寒玉綠雲入戶染衣裾人間煩暑都驅
除南陽臥龍茅結廬此中乃是鳳雛居琅玕碧實清且腴
菴來自與凡禽殊聖君在上來銜書

重宴鹿鳴紀恩詩巖栖心共白雲閒身外浮榮念早刪

蕊榜重開鳴鹿宴冰銜許厠執羔班時艱俯仰頻高目暮

光華轉汗顏豈有餘生能補報也同龜鶴老深山寒微敢共

相門論異數偏同例可援乾隆丁卯浙江鄉試梁四升同書以大學士梁

中丞援忝向藝林誇盛事不追往咎荷寬恩余以初前浙帥私

久疎舞蹈腰無力猶繞觚棱夢有痕試數齊年周海內

徐朱以外幾人存湖南徐芸渠郎中茶廣西朱鏡堂觀察深宵喜

語動門楣尚記山中得報時弟占兄先驚座客孫成祖

志慰重慈先大父積學以諸生終先大母常以為言故以科八方祝嘏

躬逢盛余鄉會兩試皆三少同房事亦奇余卷初由王西樓師呈

師房與錢崑仙振倫童薇研華同在一房時錢年十七童年十五余六十駒

光流水去而今白盡鬢邊絲立班回憶侍丹宸一卧

滄江三十春宮觀尚蒙稽古力余連主江甯上海及吾郡邑

祠祿煙蘿遂老灌園身翻因衰朽叨增秩敢為窮通數

積薪猶有假年癡願在瓊林高會更垂紳

長樂稱觴慶榻開又持蕩節向南來楚江見獲萍

如斗君去歲典吳市今看駿有臺得士能增科目重論文

要挽海瀾回

近科屢有釐正文體之論

門前多少新桃李半是君家

手自栽

令叔激蘭侍即視學江蘇五載君與仲從侍講皆隨侍襄校

胡小玉大令惠寄印

竹杖

龍孫拔地奮兩角孤根上引繚而曲亭亭七尺

青琅玕削以為杖堅比玉吾友遠宦古劍門十年契濶

誼彌敦手自封題意鄭重來從江水初發源東出巫峽

達甌海兒童驚喜爭傳觀博望傳中識名早今得把玩

堪娛老倚壁定作蛟龍吟敲石立噪鳥鳥噪我憂衰暮

足力孱扶持頓覺行步好叨荷厚意報何時歲寒直

節期相保夕改季芄窗課更初過李西垣外舅家

與林君梅仙暢談歸看紀文達公閱微草堂筆記

初五日大晴終日在館閱尊經書院四書文林鑑亭肇衡

丈來傍晚大雷雨宵看閱微草堂筆記

初六日陰終日在館擬作縣試首場文宵過李王君表

第家是日發首場案榜首胡佐堯第三蔣黼墀余舊

歲受業生也

初七日薄晴朝在館閱杜詩夕改延曙五律詩季芄

袖來止庵先生擬作縣試文一起講戰陳而自矜善

為大賢深慨世變焉夫戰陳古人不得已而為之者也乃

各自矜其善世變至此孟子能無深慨乎嘗思孔子所

慎者三戰居其一時君問陳而對以未學而聖人所不

敢輕議者莫戰陳若也蓋甲兵之事凶器也疆場之間
危地也整軍經武先王之所不能廢實先王之所不忍
言也乃囂囂然自矜其能且紛紛然各競其能而世變
極矣 出館課題焉用稼子曰誦詩三百詩題楚江巫
峽半雲雨得江字止庵先生擬作一講 且吾周以教稼
開基而幽風七月一詩備陳農事說者以吾朝卜世
三十卜年七百為發祥於此焉豈知力穡服田未足語
經綸之大而通經致用尤宜攬風雅之全夫乃知細民
所務大儒有不屑為而太師所陳修士要當深究矣
宵初潘君雲生李玉君表兄弟來是夜大雷雨

初八日晴熱甚朝在館閱尊經課藝四刻是日縣試
二場首題萬室之國一人陶詩經題溥天之下四句
詩題一紙可敵百萬軍得清字出南宋林景熙嘉禾
謁陸宣公祠詩上的皇恩雷動清九垓申刻潘君雲
生來館邀余作飛卷即握管代構經藝一篇用文選
體草作蠅頭字以付之時天將暮雷雨大作電光穿
牖驚顛不已中閨公子遣僕送余歸宵初李彬臣
表兄來

初九日陰終日在館改季芄寔課延曙五古詩更
初過西垣岳丈家向醉石內弟索觀二場文

初十日大晴終日在館改葉耕經窓課賦傍晚發二
場榜案首傅師說宵初聞雷訪鄭一山暢談至三鼓
是日早晨人有自甌郡來者詳說郡城王心齋觀察
周勝軍軍門王雪廬太守近以拆毀衙署之事訪拿首
惡獲則械送烏奔免遂幾致舉國若狂甚至十餘歲
之童被褫公堂加以笞杖何上官之聾聵如斯也吾以
為此事皆由年不順成穀價騰貴仰事俯畜人意莫遂
所激而起况又增加土藥之稅農苦稅重不種鬻粟無
從獲利囊空穀昂艱於生計怨忿日積乘機竊發夫何
足怪有司不辨其故猶以威勢脅眾不明時局之艱首

舉善政以紓民困吾恐將來之患不知作何底止也杞
人之憂誠有難忘者

十一日陰朝在館改葉耕經窓課賦午刻熱甚歸家
就浴申刻聞雷微雨抄近作窓課文薄暮過鶴坡
舅氏家阻雨邀飯至三鼓歸

十二日朝薄晴在館錄近作文午刻李味純過館暢
談申後微雨潘君雲生黃君楚臣陸續而來改小
課更初全李彬臣表兄在場前看接考是日縣試
三場首題布帛長短同則賈相若麻縷絲絮輕重同
則賈相若賦題捫蝨而談當世之務賦以王景畧博

學好兵書為韻詩題有文事必有武備得文字律詩
四首

十三日陰終日在館改季凡窗課又錄近作賦宵初
過玉君表弟家全鴻秋舅氏坐談時事是夜大雨
十四日乍晴乍雨終日在館點止齋集卷三十四五六
八申刻出三場榜案首許壬第六許申十二許祥皆竹
友先生嗣君也出經藝課題思樂泮水六句詩題雲
向蒼梧湘水深得深字楊巨源僧院聽琴詩上句離
聲怨調秋堂夕更初困倦早寐

十五日乍晴乍雨朝在館抄近作文午後丁田舟子來

余遂乘舟去坐舟中看時務報第六十一冊申刻抵岸更
初在吟舫中與軒兄談論不覺沉沉睡去

十六日朝陰在下田與張君星堦坐吟舫中談近事時
潘君雲生鼎以販買薯絲來共與之暢談申刻偕震軒

妹丈李雲洲金司務秀鉉泛舟歸更初全軒兄過余文
一紙鋪與余君松舫姜君堯衢包雨臣筱亭昆仲坐談

人言東郭外人聲洶洶搗蕩米鋪劉慕山興邦總戎陳紫

峯殿元守備陸續出巡關門不發居片時二僚乘轎回

署余亦挈伴而歸是日縣試四場四書題一於我如浮

雲至子曰我試帖題坐中年少皆賢豪得豪字

十七日晴朝在館震軒妹丈過館倩中閨公子書自撰
吟舫中楹語桐陰滿院清於水蓮葉當門香勝花暢
談半日午後偕軒兄過諸舅氏家申刻返舟丁田余亦赴
館更初過玉君表弟家身子疲倦坐立不安即歸
十八日晴朝在館改延曙憲課論夕校點止齋集卷三
十九更初訪金司務秀珏遇之暢談貽予以冰雪酥二包
辭還是日辰刻出縣試四場榜第一名陳謨

十九日陰微雨朝在館出賦題漢高祖拔劍斬蛇賦以
大蛇當徑拔劍斬之為韻改季芄經藝文夕校點止齋
集卷四十四十一宵過余文一紙鋪與余君松舫味蘭昆

仲姜君堯衢楊君志齡包君雨臣陳君仲芬芸苓表弟

坐談至二鼓是日縣試五場題目賢賢易色句人人親其親

日日新句親親為大句飯後面試一講五霸題也

二十日陰微雨終日不在館錄舊作古體詩傍晚出門

看縣試五場榜案首傅師說更初過玉君表弟家忍饑

坐談至三鼓

廿一日先伯考忌日朝晴錄止齋集眉批午後大風雨

平地水積二寸點止齋集卷四十二三宵初被酒酣眠

夜半睡覺蚊子攢膚不堪搔癢起剔殘燈閱蘇文忠

公集卷四十三時則新雨初霽殘月半窗夜景清涼

爽人心腑快讀一番漏壺五下乃息燈復寢

廿二日大晴補出課題夏后氏以松詩題劉寄奴射蛇

得洲字終日點止齋集卷四十四五六七何君子華觀先

過館袖來聖井楹帖乞中閨公子補書楹語係止園老

人筆墨也宵初過西垣岳丈宋二鼓歸鶴坡舅氏過舍

談近事良久聖井山楹語一勾仙泉通水府十盤峻嶺入天都

廿三日朝晴在館改季苒詠枇杷五古夕雷雨旋霽點

止齋集卷四十八更初雨倦眠至二鼓睡覺改季苒賦

半篇

廿四日陰有風終日在館續改季苒窗課賦下半篇更

初大雷雨以風余眠不覺四鼓醒後批燈閱尤西堂右

北平集

廿五日雨朝在館改季苒試帖詩夕在書齋錄段

紫滄廣瀛先生文稿更初倦眠夜半始起改季苒

石竹玉蘭二律中有白云花滿洛陽推舊種枝分

王氏有家風園林今日添春畫莫誤瀟湘煙雨叢

自謂刻畫石竹二字盡佳

廿六日陰雨終日在館改延曙俄人祖旅順口大連灣

事論改季苒試帖詩閱黃澍蘭體芳通政立木歎

蓋指京外有位者徐張二公而言也泰山從古無顏

時梁木從古無壞期天為萬世建師表隆化原不區
華夷鶴而軒猴而冠鬼域而人面猥以樗材竊恩
眷平生亦解談詩書肝腸乃隨桀犬變豈不聞屏翰
固本如芭桑況復泮林密邇鴉所翔豈不聞柏署蘭臺
翼風教沈復中興榦棟推三湘吐哉單鷹覩吾土匪
直蓬萊失左股彼絕日月夫何尤斯文種子志其祖
我朝雖曰虛無人那堪大道叢荆榛束髮兒童髮
上指恨不匍匐呼帝宸吁嗟乎通家絕交辱柱下
蠢頑更有桓司馬幸賴孤桐峙朝陽遠求大木支大
厦我思南山有竹達華深衛公之靈震古今何不先

射雙木偶更拔長劍誅其心 懸山老人憤筆

更初訪芸苓表弟金司務秀珏均過之

廿七終日大雨在館改季凡試帖詩點止齋集卷四

十九五十宵倦眠是日午後中閨公子出醃菜以會嚼之

舌本生甘香味不減諫果聞此物產自川蜀係趙寅

臣亮熙觀察所貽止庵先生曾作詩以紀其事有亟

洗腥盤進芳辣頓覺肝腸淪冰雪之句

廿八日朝雨在館出課題吾豈匏瓜也哉詩題月照高

樓一曲歌得歌字午後門人季凡延曙登藤花樓檢家

藏諸名人詩本貽予通父詩存信甫遺稿素心閣詩

草炳燭齋詩集從政遺規共六本點止齋集卷五十一
更初葉生耕經過訪談至二鼓去近數日延曙以眼
下作痛不在館

廿九日陰朝在館點止齋集卷五十二并附錄一卷錄

陳石士學使富海颿中丞重刻序二通夕改季芄窗

課宵過玉君表弟家

三十日大晴辰訪林和木已刻赴館覆錄止齋集眉

批并錢士雲二跋語午後黃君楚臣寶珠過館改季

芄試帖詩其夜雨困倦殆甚就枕早眠

五月朔日雨朝在館重校止齋集三十四五兩卷又錄

宋文憲滿公跋語夕改季芄試帖詩更初抄段稿

初二日雨終日改季芄窗課燈右錄段稿

初三日晴朝在齋中錄段稿夕握算子推算家賬

宵初鶴坡舅氏遣僕來遊即過其舍省問以舅氏

前日患瀉故也是日夏至節

初四日朝陰早起聞鳩聲在齋中錄段稿夕半晴

半雨改葉耕經窗課賦宵初過玉君表弟家

初五日朝雨在齋中書雄黃字午後晴鄭一山兄

來全出門遊玩半日更初設饌祭祖先被酒早眠

初六日大晴熱甚朝在齋中閱時務報第六十二冊午

後鄭一山兄來全出門赴陳府廟看品玉班演繡襦
記更初挑燈讀段稿

初七日朝晴在館改延曙論夕雷雨改季芄集雲山晚
行七古宵初倦眠大雨滂沱漏濕枕席余驚而起是日

佛容先生為李味純錄舊作於笈端獲觀因而筆之

漢陽葉氏藏卓忠貞
牙印拓本

奇節適千古猶驚手澤傳丹心湛十族

碧血化三年蚪篆鑿牙巧程殷落紙妍徙燕書聞缺肩

深檢遺編

初八日朝雨夕陰終日在館作玉尺官課文生題子曰當
仁不讓於師童題每人而悅之詩題蒲劍得陽字宵初

閱大霞山館詩文集秦邑董霞樵存先生著門人季芄
贈余也

初九日大晴朝在館抄玉尺書院官課文午刻天氣甚
熱聞蟬聲夕改季芄七律四首中有螢燈題滿院淒涼

初落月隔簾歷亂不禁風蟬琴深防鬢老傷青褪能

解陰清伴綠眠最是高槐涼處坐南薰應好和琴絃
蟻陣國拓槐安初報捷壘營土埴自成軍莫言鬥力

尋常事微物猶能解策勳蜂衙輸課漫誇千戶富分
曹未了一生忙宦官名重存金翼花縣春深領衆芳

裴點樓臺成徑寸微蟲也得侍君王此等題關合最

難着筆嫌原本未能熨貼入微故易四五聯以作觀摩之助宵初有月出門過舅氏家

初十日大晴朝在館補出賦題周瑜縱火燒曹兵以舳艫千里旌旗蔽空為韻詩題指甲花脚丁藥均七律既延曙七古詩夕閱西堂雜俎二三集宵初李彬臣芸苓二中表過訪

十一日大晴在館閱素文箋正兼看有正味齋駢體文中刻姜君彤軒過訪宵初月明如晝書闕壯繆壽誕祝文是日晨刻往文執木菘仙先生家祭吊吳孺人十二日大晴終日在館代止庵先生作普陀山佛見寺

募疏普陀山一名補陀山在定海東中閩公子出其尊人舊作賦并詩備錄之汲長孺以便宜持節發河內倉粟振貧民賦今日朝廷須汲黯蓋聞民以食為天救

飢當如火之急臣惟國是利行權非患官之侵漢興六十餘年當孝武之嗣位制薄海而君臨承孝景重熙之緒者恢張鴻業之心稽禮文於往古顯巍翼於來今方且令祠官修山川之祠為歲事曲加禮蓋務乎人給家足澤滂化斟酌而金穰木飢蒼昊不能彌缺憾堯潦湯旱盛朝亦豈乏災祲惟賢臣不以文墨自拘斯編戶之瘡痍立起惟明主能為窮閭立法斯皇仁之淪浹彌深時則有

汲長孺者。著族濮陽。策名漢室。初因任子而得官。旋自宮
寮而進秩。掌殿廊之賓。讖見憚以嚴。杖使節以馳驅。周諏固
失視東粵之相。攻駕單車而遠。出謂彼蠻觸之爭。無勞廟
堂之詰。固已命不辱於簡書。識遠超乎刀筆矣。未幾河內以失
釐燒千餘家。聞天子復使往視焉。於是度函谷之嶽。涉淇
泉之浦。泌雖然。館驛荒寒。未改閭閻比密。問到火雲一炬。尚
無焦頭爛額之人。傷哉水旱萬家。正是號飢號寒之日。則見室
同懸磬。市徧吹簫。有邑皆菜。無腹不枵。鼠壤雀巢。計已窮於
羅掘。木根少實。生且盡乎天喬。老弱捐瘠於溝渠。山愁水慘。
婦孺顛連於道路。梗斷蓬飄。寫流民之圖。誰為驛上賦哀鴻。

之什。莫不聲銷。而官斯土者。方且假太平以緣飾。盛游燕而
逍遙。籌備既疎於先事。挽回莫救於一朝。其黠者以為馳貨
粟之書。弛征既利。妨於亡。其愚者亦欲奏發棠之請。沽恩恐議
格於朝黠。乃喟然太息曰。河內不自有倉乎。積歲年之所入。誠
出納之有經。顧為民而請命。豈終食之可停。况既銜旨於原
隰。美侯報可於廟廷。間者城衛。世罷苑馬。天子之愛民甚矣。綸
綍之下。固昭若日星也。利人民安國家。大夫出疆則專之。春秋
之義。又炳若丹青也。黠雖無狀。其敢拘牽乎成例。而釀災患
於未形。遂毅然假便宜以行事。實無非恪奉夫皇靈。由是倉
氏庾氏奔走來趨。吾老吾幼。謹呼塞塗。諭之以丹詔。亦豈以虎符

出陳因於高廩。流苴芳於通衢。捧仁漿與義粟。恍量五而炊珠。凡茲鵠面鳩形。饘于是亦粥于是。即在堪巖穹谷。無不啜亦無不鋪。大夫何力焉。咨度祇將夫使指。吾君之賜也。高厚共戴乎廟謨。然非長孺之識權宜。引大體亦安能布深宮之德意。而拯民命於斯須。乃知循資按格者。俗士之準繩。達變通權者。非常之樹立。馮驩燔券於薛邑。孟嘗嘉其智能。陳湯奮績於郅支。蕭育為之嗚咽。值事會之方殷。豈故常之可執。惟為國為民之意。真斯已溺已飢之情。急長孺之還報也。武帝釋其矯制之非。增其賞功之級。信乎古所謂社稷之臣。犯顏直諫。視宏湯其茂。如守節當官。非責育所能及。而他如諫渾邪之賞。溫惡張湯之文。深無不以尊主庇民。

為汲汲惜乎帝之於黯。武帳之見敬禮。若有所加。積薪之言。主心不無少歎。雖知謀國之忠。終忌批鱗之犯。淮陽卧治。瞻紫闥而途屯。汾水秋風。弔茂陵而雲黯。惟我國家。玉燭道亨。丹墀露湛。布郡邑者。吏盡龔黃奉。簡命者人皆韓范。偏灾偶告。軫宸念之惓惓。內帑頻頒。惠攀生而堪噍。水衡之緡錢。不惜挽粟飛芻。神倉之玉粒分留。聯檣接艦。又奚煩冠蓋之紛馳。相與慕漢臣之遺範哉。池塘芳草年年綠。草亦多情者。池塘得氣先。芳魂殊脈脈。綠意自年年。屈指韶光轉。驚心物候妍。為傳春信息。依舊碧芊芊。雨細魚吹浪。風柔蝶弄烟。

是誰盤馬地又到聽鸞天別緒懷人切詩才入夢仙晴波
浮。大液蓄廡荷。恩偏。擬謝靈運以斤竹澗越嶺溪行

詩。曉策循崇崖晨光半微顯仰矚林霖開俯眄花露泣
泪滴足底泉盤紆陟危峴嶺窮氣益嚴溪旋途亦轉頗
忻俗慮澹終疚天機淺顯穹日悠悠白雲自舒卷萬籟
寂無音蒼翠已滿眼握蘭知誰貽素襟孰與展洗耳從
巢居沉冥息眾辨安得同懷客行歌且自遣

宵初被酒早眠夜半始起挑燈復改募疏徹旦

十三日朝晴在館夕聞雷無雨錄止庵先生題圖詩

戴羨門尚書春帆入蜀圖為子開太守題并引羨門

尚書名三錫無錫人乾隆癸丑進士初宰山右後調四川
歷任縣令丞倅牧守擢至藩司不三年叙四川總督兼成
都將軍後內召為工部侍郎銜卒贈尚書此圖作於嘉慶
己卯庚辰間道光壬寅經亂失去同治間其曾孫子餘於
金陵市肆得之以畀其從兄子開太守子開尊人澗鄰
方伯守溫時與余舊好今子開來郡司權出圖屬題
為賦此詩蜀江清駛蜀山碧峯歲夢中看歷歷此行
載鶴來自東一笑推蓬皆舊識風雲際會豈偶然百
城坐擁東西川籌邊樓上重回首岷峨山水真前緣丹
清流轉近百年萬事過眼如雲烟故家文物有為護

知君世德長縣延 薄暮謁洪棟園夫子袖募疏呈師
改削宵初雨欲訪章味三孝廉不果以鶴坡舅氏得心
氣疾奉 慈母命過其家省問至二鼓始返

十四日大晴終日在館出館課題齊東野人之語也詩題
晝長吟罷蟬鳴樹得吟字錄段紫滄稿震軒妹丈寄
來鷺鷥數古風一章托物興懷頗得風人賦比興之旨
宵初乘月訪章君味三過之坐談時事至二鼓

十五日大晴寅刻月蝕朝在館閱時務報第六十三冊
夕抄段紫滄稿章君味三過館宵初熱甚早眠
十六日大晴朝在館抄段稿午後味三遞函來托余

代作祭黃母金太宜人文即下筆作半篇宵初月色
生白啟窗當風續成之至四鼓始脫稿

十七日大晴熱甚晨章味三兄來取昨所作祭章余
嫌未妥袖棟園師改削經師竄易廿餘字而余心始
定午後赴館抄紫滄文稿宵早眠

十八日大晴終日在館抄段稿黃君楚臣來館薄暮
訪鄭一山過之暢談二鼓歸

十九日大晴朝在館閱時務報第六十四冊午刻家僕來
報震軒妹丈自丁回來歸家邀飯韞齋表兄來午飯後全
過三舅氏家省問以舅氏舊疾復作飲食少減前日頭患

昏暈故也薄暮歸舟宵初奉

母命過舅氏家至二鼓歸

二十日大晴朝在館閣時務報第六十四冊夕改季芄窗課賦

二段熱甚停筆宵初齒痛早眠

廿一日大晴終日在館齒痛改季芄窓課賦出課題一怒

未諸侯懼詩題修竹壓簷桑四圍得簷字補出賦題圍

扇賦以團扇風前衆綠香為韻宵初早眠

廿二日大晴終日在館齒痛少減為章君味三增改祭黃

母金宜人閱五月初五十二兩日即抄載揚深秀宋伯魯

二御史奏時文改作策論以正文體旨俞允以本屆

歲試為始此後鄉會諸試均例為改定余讀此抄不

勝奮然而起曰夫八股作俑始於安石元明以降仍襲

舊制以致課舉子業者目不覩經史日以八股為事逞

其技巧以媚宗工調板必重平和近于宋人詞曲辭句勉

求藻麗似乎美女簪花佞倖以圖功名苟且以邊利祿

問誰實事求是者而願為通儒即有一二好古之士應

試闈場屢遭擯棄此前明亭林先生因為之扼腕也我

朝自仁廟御極之日文運昌明鄉會試改用策論

後因放筆為之不顧忌諱廷臣駁奏仍復舊章今者朝

廷力求維新首以釐正文體為務凡為素王之子孫是宜

銳意圖進務求根柢枕經薛史引古證今贖前愆收後效

將來可成為廟堂之器不知若何臻美也語曰齊一變至于魯魯一變至於道中邦為文物之數變魯最易當路者誠能鼓勵而振興之十年教訓十年生聚文質之治惟均可以監于三代而無讓已嗚呼是誠可羨也宵初李蘊齋表兒來訪

廿三日大晴早晨謁棟園師已刻赴館代兄弟彙訂湘學新報共六門日午苦熱歸家就浴齒痛愈甚過禪菊表弟家一診下石斛生地沙參麥冬勾藤等藥謂肝肺甚熱投此可占勿藥也申刻仍在館閱時務報六十五卷宵初過舅氏家首母與芸苓表弟露坐閒談至二鼓

廿四日大晴終日在館校點經史百家雜鈔哀祭類宵初過三舅氏家省問至二鼓返

廿五日大晴終日在館校點經史百家雜鈔哀祭類薄暮過三舅氏家省問至宵深始返

廿六日早晨大雨旋霽赴館看史記項羽本紀午後大風聞雷聲驟雨如注申刻始止天氣近涼頗得秋意校點經史百家雜鈔傳誌類宵初焚燭檢舊書

廿七日大晴終日點校經史百家雜鈔傳誌類宵初閱古文類纂

廿八日大晴朝訪鄭君一山開來經古師課策論題生

策問經學朱陸異同論童策問岳武穆金牌之召渾
藩爭功論在館閱策府統宗夕閱策海并日知錄宵
過鶴坡舅氏家省母

廿九日大晴終日在館閱文獻通考經義考宵初過鄭
君一山家

三十日大晴終日在館閱策學備纂稽古日鈔宵初訪
一山兄過之至更深而返

六月朔日大晴朝在館寫函與震軒妹丈夕作策問宵
初過玉君表弟家省母

初二日大晴終日在館作經古師課論宵初李芸荃表弟來

初三日大晴朝謁棟園師袖經古師課策論呈閱在館
夕改季芄師課策論聞雷聲宵初疎雨過西垣岳丈
家與友樵內弟坐談歸錄玉甌山房遺詩

初四日大晴終日在館改季芄延曙窗課論中刻聞雷
聲大風閱說文抄本宵初伍鳳樓表伯來

初五日晨虹見大雷雨旋霽終日在館抄師課經古
策論命季芄延曙二弟對說文字抄之更初在岳丈
家嘗新陳竹生老伯在上坐

初六日晴終日在館閱時務報中變法通議諸論宵
初過鶴坡舅氏家省母

初七日晴終日在館閱商務摘要宵初李韞齋表兄來
初八日晨雨旋晴終日在館作富國強兵論上篇薄暮
脫稿宵初過鶴坡舅氏家省母

初九日晨大雨虹見于西母自舅家歸是日余家
嘗新不赴館中閩公子屢遣伴來邀嘗新午刻赴席
在坐姜彤軒兄孫中愷季恒季芄三公子延曙門人席
散辭歸薄暮軒兄自丁酉來宵初大雨設席嘗新全
席位鳳樓表伯震軒妹丈陳丹卿李麗生祥菊玉君
三中表周元來義弟李慶蒸內弟併余共九人是夜
軒兄返舟歸

初十日晨大雨虹見在館作富強論中篇夕改削季芄
經古論更初棟園師遣伴折柬來約以明午試新余
婉辭以謝之宵初聞雷大雨達旦不休

十一日朝雨旋霽止庵先生折柬來邀嘗新辭謝不
去買舟全僕赴丁田震軒妹丈處為富甥周歲作賀夕
全軒兄暢談時事作威信外夷策宵初聞雷飲試新
酒席散與妹子坐蘭房談論至二鼓

十二日半晴半雨在丁田朝全潘星齋談論夕與震軒
妹丈坐西書室論文時鳳仙花盛開滿階紅綴頗
得生趣宵初白虹東見長如匹練閱日報類編

十三日虹見晴雨不定晨起束裝欲歸妹堅留中止作富國強兵論下篇午後脫稿震軒妹丈代為改削宵初全諸甥女在吟舫中露坐乘涼至更深始眠

十四日虹見半晴半雨朝駕舟自丁田歸午後赴館覆改季芄經古論以昨夕斧削嫌草草也宵伍鳳樓表伯來

十五日暫晴暫雨竟日在館抄官課經古策論共十二頁手目俱疲日向暮托葉江梓友壻袖經古卷交繳以逾期不收又聞卷已閱竣不勝憤激宵初伍鳳樓表伯來二鼓去十六日旋雨旋晴終日在館閱時務報第六十六冊是日午刻蔡書城先生來館暢論時事又談及先曾祖所藏

遺書暨石刻印章散失在羅陽某氏家余一時聆之恨不插翼飛去取回薄暮訪林和未遇之阻雨坐談至更深始返閱潛確類書殘本

十七日晴雨不定辰訪鄭一山兄過之已刻赴館校點古文辭類纂午後宴君彤軒過館宵初祥菊表弟邀余嘗新席散阻雨坐談至三鼓始歸閱古文雅正

十八日半晴乍雨竟日在館校點古文辭類纂薄暮全中閣公子訪莘農說酒捐事宵初過鶴坡舅氏家一談即歸黃君楚臣芸苓表弟接踵過訪

十九日有風乍晴乍雨竟日在館校點古文辭類纂者經古

超等卷孫莘農來館說酒捐事宵初李麗生表弟來談至二鼓去
二十日立秋節終日東北風大起驟雨傾盆平地水長尺
許窗昏如暝操管錄先曾祖玉甌山房遺稿宵深天氣
頗涼閒倚枕簟近覺有三分秋意

廿一日雨朝在館與延曙說荀子議兵篇夕校點古文
辭類纂申刻大雨如注溝壑水溢人行皆沒脛館主人
以肩輿送余歸宵大風復作挑燈閱漁洋精華錄

廿二日雨早起小步後圃陡見先人厝屋被風吹倒心如
攢弩即時遣僕邀工作來修葺午後芸苓表弟過訪邀
余出門遊玩在軍局前觀釣魚半日宵課兒子讀書其夜風止

廿三日大晴朝在館改作鷺鷥歎和韻三十二韻宵閱
新聞報是日午後閱古文辭類纂

廿四日大晴熱甚經日在館校閱古文辭類纂宵初迅
雷少雨閱新聞報

廿五日大晴酷熱終日在館校閱古文辭類纂是日傍晚
聞雷無雨旋見黑雲遮日條成五色若隱若見狀如鳳翅
問諸父老皆云此謂大鵬鳥又謂之早傷以余觀之近齊

東之語耳但未知是何祥異也宵初李韞齋表兄來

廿六日大晴酷熱終日在館作衛房聖母壽誕祝文是日
還黃楚臣兄為兄弟備文補送府試宵初李韞齋表兄

來索觀余所作經古卷閱新聞報身子困倦伏枕少
睡夜過半始睡覺復改竄祝文至天曙

廿七日大晴早起瞻聖母祝文并鷺鷥歎古風遣僕全新
聞報送丁田震軒妹丈處已刻赴館閱古文辭類纂夕閱
張芬達^{三洞}尚書所著勸學篇內外共二十四篇其中陳說利

獎最為平允宵初過鶴坡舅氏家與芸苓表弟暢談

廿八日大晴三伏朝在館改季凡憲課論題荆軻入秦午
刻震軒妹丈自丁田來申刻全軒兄過授齡表兄家林君
旦評許君伯雲先在共坐暢談至傍晚震軒返舟歸更
初過玉君表弟家

廿九日大晴朝在館孫君美士過館閱特務報第六十
六冊午後寫書寄丁田改凡弟憲課論題處士橫議是
日季凡奉尊人命赴郡應試宵初謁止庵先生并為凡
弟送行

七月初日晨雨旋霽已刻赴館為延曙說孟子書午刻
全金鍊百姜嶽仙洪曉村李芸苓管仲凌丹三昆季赴衛
房宮拜聖母主祭李彬巨表兄祭畢在寄鷗書室中享
餞餘席散諸君作葉子戲余獨去訪章君味三日向晚
歸宵訪金君秀珏過之暢談至二鼓

初二日大晴晨鄭君一山來訪已刻赴館為延曙說孟子

書接程弟郿城信初七考瑞安午後全孫君中愷過其
第家與姜彤軒陳國珍二君暢談良久回館閱時務報
第六十七冊

初三日大晴早晨獨步赴丁田途中熱甚汗流浹背已
刻至震軒妹丈家以窩甥左股患熱痲故去一問焉夕
與軒兄夫婦坐談薄暮雷雨欲歸不得是夜震軒妹
丈東裝赴郡窩甥睡未安妹終宵不能合眼余亦為
之提抱至天明

初四日大晴在丁田終日與妹互抱窩甥是日窩兒左
股熱痲漸近平愈

初五日早晨虹見有雨旋霽金珏老司自郡過丁田已
刻買舟歸閱天雨花夕赴館為延曙說易知錄寫玉寄
郡與震軒妹丈宵閱時務報第六十八冊是夜有雨
初六日雨朝在館點經鑑易知錄夕校點經史百家雜
鈔宵閱極早眠五鼓大雨
初七日朝雨在館點經鑑易知錄夕覆閱時務報六十
八冊宵在衛房宮觀戲

初八日大晴朝在館點經鑑易知錄夕校點經史百家
雜鈔宵初全余君味蘭李芸林表弟蔚文表姪在衛
房宮觀戲

初九日大晴朝在館點經鑑易知錄夕校點經史百家雜鈔申後令中愷公子去謁中容先生以先生所著周禮正義授余分校也余堅辭識見固陋不足當此任先生不允遂袖其書而歸宵初全鄭一山陳丹卿李彬臣去林金秀鈺李蘊齋在衛房宮觀戲

初十日大晴早晨赴馬槽坦看府試首場案榜首曾一傳予門人季凡名列第三十三在館點經鑑易知錄夕點經史百家雜編寫玉寄郡與門人季凡宵閱惜陰書院東齋雜作

十一日大晴終日在館點經鑑易知錄點詩小雅宵訪黃

君楚臣

十二日朝晴西北風大起在館點經鑑易知錄夕點詩小雅宵困倦早睡是夜大雨異常

十三日終日東北風大起繼以驟雨河渠皆滿在齋中校周禮正義宵初早眠是夜聞雷聲風頓息

十四日雨朝在館研朱點經鑑易知錄午後閱宋君燕生存禮來函中言康主政有為之女名同薇字文儻

在上洋女學堂掌教此女通中西之學隨父著書與有力焉近欲遊歷東洋廣探風教昔之道韞固不能專美於前非所謂女中之丈夫歟申刻點詩小雅并錄

眉批校周禮正義宵初鳳樓表伯鶴坡舅氏過舍是
夜月明如晝在齋中錄先曾祖玉甌山房殘稿聞鄰
舍哭泣聲始知周祖母萬孺人子時仙逝係子敬丈之繼配也
十五日大晴辰赴鋪兒橋看府試二場案榜首許士門
人李凡列首圖第十六名已刻赴館點經鑑易知錄夕
校周禮正義宵初陳丹卿表弟來亥刻乘月訪家益齋叔
十六日晴朝在館點經鑑易知錄夕校周禮正義宵閱
昌言報李芸苓禪菊二表弟來邀余去協鎮署中看戲
十七日晴朝在館點經鑑易知錄午後過余君松舫館
坐談良久而回校周禮正義孫君星農來說酒捐事宵

初在李子琳表弟家飲節酒是夜亥子二時有雨

十八日辰晴赴鋪兒橋看府試三場案榜首徐萱蔭凡
弟名列第十一已刻在館點經鑑易知錄午飯後與孫
君中閨過姜彤軒館暢談良久申刻聞雷少雨旋霽校
周禮正義宵倦眠

十九日晴朝在館點經鑑易知錄午刻林梅仙過館
留飯暢叙良久改延曙淮陰侯論薄暮雷少雨過
岳文家與慶蒸內弟談至更深而返閱昌言報

二十日朝晴在館點經鑑易知錄午後校周禮正義申
後聞雷微雨全中閨公子赴大隱廬看府試四場案居

首者張亮道季凡弟名列第六宵雨早眠是日延曙腹
痛不在館

廿一日陰少雨朝在館點經鑑易知錄午後寫函與震軒
妹丈校周禮正義宵過玉君表弟家

廿二日陰晨起聞鄰舍哭聲大振知周寅身老伯於是
日寅刻逝世痛悼不已已刻買舟赴丁田妹丈家望

窩甥留午飯與妹子坐談半日申後返權歸聞府試全
案已發凡弟名列第六不勝之喜宵閱昌言報

廿三日大晴朝在館宴彤軒過館訪季凡以其自郡歸
也點經鑑易知錄夕校周禮正義薄暮謁止庵先生道

賀宵閱昌言報

廿四日大晴朝在館點經鑑易知錄夕校周禮正義薄
暮過金文興帽鋪與張小維金隄民談至更深始別

廿五日大晴朝在館點經鑑易知錄午刻歸家訪金君
隄氏未刻回館閱史記平津侯主父列傳宵閱新聞報

廿六日大晴朝在館點經鑑易知錄夕校周禮正義宵
訪金隄民托以購書之事

廿七日晴朝在館點經鑑易知錄夕校周禮正義宵
初慶蒸內弟來取近購之書余亦購來石印世二子書

共二函計十六本亥刻雨閱廿二史紀事提要殘本

廿八日朝晴在館點經鑑易知錄午前僕報震軒妹
自丁田至即假館歸留飯暢談近日考試事軒兄又代
余購來無邪堂答問五冊續富國策四本格致書院課
藝十二本薄暮冒雨返權宵大雨如注被酒早眠

廿九日朝晴在館周鹿峯表兄過館托說酒捐事辭
之點經鑑易知錄夕雨枝周禮正義宵雨閱經鑑補
連日延曙以齒痛不在館

三十日陰朝在館點網鑑易知錄夕校周禮正義宵初
微雨過玉君表弟家坐談冒雨而歸

八月朔日晴朝在館點網鑑易知錄夕校周禮正義宵

閱網鑑補是夜大雨

初二日晴終日在館作節用愛人經義宵初芸苓表弟
來訪亥刻作子產惠民論

初三日晨雨旋晴巳刻赴館抄經義飯後過李恒公子家
暢談未刻回館抄論薄暮寄郡宵初過玉君表弟家談
至二鼓而歸

初四日晴早起改耕經道課卷巳刻赴館點網鑑易知
錄夕閱格致書院課藝宵倦早眠

初五日晴朝在館閱格致書院課藝夕閱昌言報中
籌海篇宵閱新聞報

初六日朝陰夕雨終日在館作籌邊策宵初續成
初七日晴終日在館作大蒐於天津賦宵深續成用
文選體是日晨刻小雨

初八日晴朝在館閱綱鑑易知錄夕復改籌邊策宵
過鶴坡舅氏家便中道及余家生計維艱不堪挪措
舅氏慰余再三始辭歸是夜小雨

初九日朝晴在館謄策并賦午後謁洪棟園夫子申
刻雨閱宋元學案宵作學案書後是夜大雨

初十日朝陰在館復改竄所作書後夕雨謄就遣僕呈
棟園夫子改削宵初過鶴坡舅氏家舅氏以番餅十圓借

余解拆中秋節賬也

十一日晴終日在館抄觀風策論共四藝腕力疲極宵
初全芸荃表弟出門步月過聚星齋與包雨臣小亭昆仲
余松材林幼卿暢談

十二日晴朝在館點經鑑易知錄夕改延曙論李斯宵
初過李玉君表弟家與舅母坐談家事

十三日晴朝在館點經鑑易知錄夕校周禮正義宵初
自館歸聞庭前山茶嫩蕊被柶兒亂摘殆盡不勝憤怒
拍案大罵晚餐亦為之却

十四日晴朝在館點經鑑易知錄夕校周禮正義薄

暮全愷兄謁仲頌先聖袖所校周禮正義第廿一卷還之實
初回東升伯過訪談及合城流言都傳 皇上近日為太后所
廢并嚴拿維新黨羽康長素梁卓如為黨魁宋伯魯楊
深秀子御史次之京城閉門搜索勢甚洶洶深為可畏
太后再垂簾聽政以慰民心等語余從聞之不勝驚駭嘗
觀歷朝史冊國家衰替都有非常變故矧我朝洋人橫行內
地歷有年所借名租界實逞雄心近又兩宮自相魚肉不顧
大局吾知內亂外侵交相遞起其患伊何底乎此特天數
使之然耳我生不辰逢此百罹惟有深為滋懼而已談
既畢兀坐良久始去

十五日朝陰倚枕看續齊諧記午後狂風驟雨不獲出
門看百子金丹宵初苦雨早就枕是日以中秋佳節故
放假一日

十六日終日大風雨平地水積一尺許閱昌言報第四
冊宵無事是日阻雨不赴館

十七日陰雨晨出門路遇林君友棧說季芄弟擇二十
日接親余以館東刻有喜事故不赴館遣僕欲雇舟到
丁田適章君味三來遂止邀余全訪劉菊仙林和未均
遇之談京都近事甚久夕偕鄭一山過章宅祠塾與章
味三金符舫暢談味三出消梨餉客味最清腴至暮

散宵閨中東戰紀

十八日陰已刻買舟赴丁田震軒妹丈家維時河水漲溢徑路難辨行道之人涉波沒脛余以上岸不便行遣舟子駕舟至其門首已午正矣留飯與軒兄夫婦談家事良久借新衣數襲申刻始返權歸宵過鶴坡舅氏家坐談至二鼓

十九日陰終日在岳家與胡君稱鶴鄭君乙山收管人情以漱芳內弟明日有婚娶喜事也宵還天愿余亦隨眾拈香叩拜

二十日晴終日在岳家與鄭君一山收管人情宵初漱芳

內弟行合巹禮余夫婦奉岳命為之調諧花燭邑俗凡人家有嫁娶之喜都擇夫婦雙全子息繁衍者從旁相禮謂之利市人此吾鄉俗例也更深飲佳期酒席散時交二鼓歸閱南宋雜事詩

廿一日大晴已刻整衣冠赴岳家道賀又赴館東孫學士止庵先生家為芄弟作賀午刻在岳家飲開房酒薄暮者新人黃棧庭李友蘭林梅仙雨臣諸君亦在廿二日大晴朝在岳家與陳竹生前輩胡君稱鶴鄭君一山暢談午刻赴孫止庵先生家飲人情酒余居首位全席者洪子遷表伯項蔥畦前輩滌秋小溪昆

仲胡君小谷中闔公子掌壺筵散時已申後歸家陟聞
益齋族叔于二十日亥刻逝世中心耿耿者不已即赴其
家一唁宵初在岳家與諸內弟作馬吊戲至四鼓歸
廿三日大晴朝因身子疲倦高卧晏起夕在齋中閱
格致書院課藝燈下閱盛世危言

廿四日大晴終日在齋中作道肄經堂策問燈右倦甚
早眠

廿五日大晴終日在館作道課策問燈右作策問至四
鼓始息燈而寢

廿六日大晴終日在館膳清所作策問首尾共十二道

家僕有事赴丁田便呈軒兄改閱宵倦早眠

廿七日大晴朝在館為延曙抄易知錄破幅夕作策
問用四言體以鄭兄一山強予再構一道故也宵初過
族兄慶章家議捐款改築大宗祠時祠宇凋敝棟椽
將傾故有此創舉談至二鼓始歸

廿八日大晴朝在館點綱鑑賜知錄午刻家僕報張
震軒姝丈來飯後全去謁孫仲容先生談京城之事
甚久至暮辭別軒兄返舟宵過族兄慶章靜山家酌
議盜葬祖墓事

廿九日大晴終日在館疲倦殆甚倚枕閱楊家傳以

解困宵初校閱張孝達

之洞尚書所著勸學篇上冊

九月朔日晴終日在館點網鑑易知錄校閱勸學篇

下冊宵過祖芬叔家坐論良久而歸

初二日大晴終日在館節錄史事宵初族中兄弟增

杓兆藻輩過訪坐談至二鼓而去

初三日大晴朝還楊君雨村作呈詞向縣控訴余獨

出名以族中衰落無人倡為之也午後令族兄弟靜山

增杓諸人請李冲寬父執赴大宗祠指針定向先生

謂宗祠坐向坤艮兼未丑本年小利明年大利或可改

築聚談久之始散歸抄呈詞赴署投遞宵身子困倦

早眠

初四日朝陰在館點網鑑易知錄夕雨節錄史事宵

初過鄭君一山家以道拜經堂違限課卷寄還也中

心憤悶者終夕談良久歸

初五日陰余生日也朝在館節畧史事夕閱青雲賦

鈔欲作經古賦構思良久苦無頭緒竟未下筆宵初閱

賦海去觀

初六日陰雨終日在館作經古賦題采菊東籬下以三

徑未荒松菊猶存為押脚薄暮脫稿宵霽有月獨

坐書齋復改日間所作賦是日先大父生辰

初七日晨雨旋陰終日在館作經古論題練軍改習洋
操擬欲分作十條宵初作經古論

初八日大晴終日在館作經古論宵初作經古論是日
閱申報中載 皇太后懿旨謂祖宗舊制不可遽改復點
策論以時文應試噫今夏之間曾奉 聖諭以策論取
士未閱數月而令其復舊朝令夕改反覆無常凡屬官
僚行政且猶不可況為一國之君主乎古人有言曰牝
雞司晨惟家之索吾不知後來之患其將作何底止耶
深為扼腕欲訴無從

初九日大晴先大母忌日朝在館作經古論是日重陽

佳節午後中愷公子約同人登隆山遊眺忱未季恒二
公子姜君彤軒叱馬前行余與愷芑昆仲步行隨之未幾
登山坐觀海亭子正但見水天一碧雲幕四張秋風吹襟
松林謾謾倚眺久之不覺心與俱遠也日將暮下山過
明因寺女僧獻茶即辭出沿途過東稅關時夏君耀西
在關分司權務過之強邀暢譚夫暝始緩步由郭門
而入宵初月明如晝張君肖維過訪坐談至二鼓而去
初十日大晴朝在齋中騰所作經古論呈棟園夫子改削
近午全林和亦王賡廷鄭一山章味三劉菊僊鄭啟法諸
君登西峴山鰲山閣拜祭文昌君是年值祭歸啟法族

兄弟靜山毓卿增杵輩來邀余上底九坦山閱視松木多少意欲採刈販賣得貲為改築宗祠計又為山人謝學勤寫山札一紙同族之人都押以花字土人出紅薯餉客會之最為甘脆夕陽影亂始各言歸宵初全譜兄弟在紫垣夫人家高餃席散諸人過章氏祠堂暢譚和未調琴奏碧天秋思一曲味三又出海上名伎小影共十數頁以觀月斜粉牆乃各別歸

十一日晴朝在館作葉水心文集書後午後僕來館報震軒妹丈自丁田來即膳就付僕代呈改削薄暮歸家而軒兄已返舟去惟留所改書後於几上塗乙過半愧

甚感甚宵初抄經古卷共八頁至四鼓始寢

十二日晴終日在館抄策問并賦書後各一篇手腕作痛疲倦殆盡宵初過族兄靜山家又過岳丈家談至二鼓而返

十三日陰朝在館點網鑑易知錄午後少睡囓季苾復膳官課論并書後各一畧為刪改以昨日交卷匆遽未能詳閱故也宵初全鄭一山王賡廷章味三蔣仲笙許中笙林和木孫忱木林漱泉管中凌洪藻卿王葯如諸君在菊僊處小飲席散諸人作馬弔戲味三強邀余與一山過其書塾中一設至三鼓冒雨而歸

十四日微雨朝在館改延曙天下歸仁論午後少睡
與葉君聲石坐設閱段紫滄文稿宵初閱佩文齋廣
羣芳譜

十五日雨朝在館點網鑑易知錄夕閱佩文齋廣羣
芳譜時館中木芙蓉盛開朝白晚紅媚秀可愛作
詩四絕宵初張君肖維來訪余以改築祠堂集眾捐
欸有事而出未與之遇

十六日陰終日在館閱段紫滄文稿薄暮微雨燈右
閱廣羣芳譜

十七日陰朝在館閱段紫滄文稿夕閱勸學篇宵初
過張君肖維家袖勸學篇校對訛字又坐譚良久歸
十八日陰終日在館重校勸學篇以前次草草校正
舛訛甚多燈下張君肖維過訪暢談良久又索觀余
近日所作詩文至三鼓始去

十九日雨朝在館閱大題文府四書文夕作中東師課
文祇成一講燈下足成之又作策問一道至五漏始寐
二十日朝雨虹見于西在館抄中東師課文夕抄策問
并詩閱宋燕生前輩滄上所寄手札其中語近日京
都之事甚詳讀竟為之三歎息

廿一日晴終日在館閱後漢書應奉許慎列傳以府

課肄經堂賦題出在此中也燈下閱西南夷等傳
廿二日乍陰乍晴終日在館閱賦海大觀并分類賦鵠
欲作府肄經堂賦構思半日恨無頭緒祇成一段宵初
挑燈續作之至四鼓始脫蒙頗得意乃息燈少睡是夜
有風

廿三日晴終日在館作試帖詩并作讀後漢大秦列傳題
後七古宵過玉君表弟家與舅母坐譚良久而歸是日
早晨過胡芳谷前輩處借觀佩文韻府查爰閣曲故近
午門人繩孫袖書送館始知題旨本汲冢周書王會解也
廿四日陰朝在館點網鑑易知錄午刻歸家祭拜伯考以

昨日生辰忘祭故也未後赴館閱段紫滄文稿宵初閱
漢魏叢書中汲冢周書王會解

廿五日半陰半晴朝在齋中閱續齊諧記午後奉岳父
在其家整衣冠陪客以是日二姨出閣葉仲宣丈遣人接
取粧奩也胡君祥鶴亦在暢設至暮始歸宵初看閱微
草堂筆記

廿六日大晴朝在館閱後漢書西南夷傳午刻赴岳丈
家以是日二姨出閣行告廟禮岳命余作小相未刻赴館
閱段紫滄文稿薄暮仍赴岳丈家陪家與邵建平丈胡
祥鶴暢設至二鼓始歸

廿七日大晴朝在館點網鑑易知錄夕膳盜羹呈詞付
族人上郡赴府轄控訴宵初挑燈閱舊作賦

廿八日大晴家慈壽日晨初登堂叩謁拜賀已刻赴館洪
棟園夫子過館坐談良久夕改削季允憲課賦宵初伍
鳳樓表伯過訪出陳菊甫起英侍御函與余觀談論久
之而去

之而去

廿九日先曾祖誕辰先大父忌日早晨陰全僕乘渡船
赴宋家埭稱祖田家留餐薄暮冒雨由橫渡乘舟而
歸已上燈時候是夜困倦早眠

三十日陰雨終日在館改季允課卷宵初訪鄭君一山

雨窓坐談甚久雨止始歸閱中外日報

十月朔日早晨晴袖香燭出東郭拜謁城隍神已刻赴

館節錄日報譚林二京卿獄中寄恨詩并日本隨員森

君大來景福宮詞點網鑑易知錄近午李蘊齋潘星齋

過館談良久去夕陰雨改季允窗課宵初閱駢文類苑

大雨達旦獄中詩譚詞同久拚生歿一毛輕臣罪偏

由積毀成自曉龍逢非俊物何嘗虎會敢徒行聖人安

有胸中氣下士空思身後名縲綫到頭真不怨未知誰

復請長纓十一日虎會周時人諷簡子罷推車因置酒無犀臣欲以虎會為

上客長鯨跋浪足憑凌靖海奇謀愧未能安恥邊多下

策當思殷武有中興孤臣頓作隍中鹿酷吏終羞殿下
鷹平日敢言成底事 秋水已如冰 十一日

孤忠畢竟待天扶絲綸閣下千言盡車蓋亭邊

一字無經授都中愧盲杜詩成獄底學髯蘇朝來鵲喜

頻頻送尚憶墻東早晚鳥 十一日 林旭 青蒲飲泣知無

補慷慨難酬國士恩欲為公歌千里草本初健者莫輕

言 景福宮詞 仁王山色鬱崔嵬不見三年玉輦迴黼

塵塵封勤政殿虛懸日月照蒿萊 憔悴芙蓉怨素秋

哀湍噴薄響巖幽可憐宮殿微風極燕雀高樓慶會樓

坤甯小閣閉青苔鬼火星星恨未灰剩濺白頭宮監

淚玉壺樓下進香來 乾清宮外醉香橋橋下滙潏水

一條流恨不消紅藕死落花風葉泣蕭蕭 昌德宮觀

女樂引 昌德古宮倚山作溪巖穴窈藏瓊閣門樓牌坊

不記名是日賜筵大合樂觀逾紅照演慶堂嘉賓琴瑟

東西廂梨園弟子嬌結束絳唇珠袖排兩行先是內庭

教歌舞傳頭髻髻開元譜技成鳳紙僉名呼念奴玉笛

花奴鼓鼓舞盤盤迎拍過 髻鬢髮及鷓釵斜孔翎翠羽

揉冉冉垂手香顫雙枝花 鼓 反袂颼颼風乍起鍊鋼一

掣柔繞指公孫耳聒隱神合離白虹紫電射秋水 劍 是

何少年衫笠姿長身玉立攜蛾眉低回似怨新婚別撲

揚二天號

朔迷離渾不知男驚散一雙雄
蝶樂極哀來淚交睫漢

宮不見傾國人只聽蟬聲催落葉舞曲終不覺月在檐

涼漪滿殿吹細簾韓廷哀職親進酒捧盃還倩雙玉纖

行人既醉心愉悅曲中悲歡幾回閱出門遙拜慶運宮兩

國猜嫌從此絕按大來森君字槐南現年三十六歲乃春濤先生之長公子春濤先生之文名為日本學士所最推重者也

初二日雨終日改延曙窗課衛懿公好鶴論宵初與高

輿鄉人坐設至三鼓

初三日雨朝在館點綱鑑易知錄夕閱陳檢討集宵初燃

燭檢閱縣試正場考卷

初四日朝雨在館閱經古書院超特卷午刻小霽林君

梅仙來館主人邀飯坐設良久鄭一山孫聞甫陸續來

訪索觀經古卷作重建許峯山景福禪寺募疏宵初

閱吳錫麒駢體文

初五日晨微雨旋霽謁棟園師已刻赴館點綱鑑易

知錄夕改季芄窗課文宵初全杜茂珍設論良久改季

芄小課

初六日晴終日在館改季芄窗課文宵初膳洪棟園

夫子觀風超等卷

初七日晨虹見微雨在館改季芄小課文四書題秦穆

公用之而霸止庵先生擬作後二比棟園夫子過館設

論考試事夕困倦伏案假寐半日宵初寫縣取全案冊

止庵先生擬作文 亡虞者轉而霸秦用與不用異也夫霸秦

之矣即亡虞之矣也非穆公用之何能至此嘗思亡國之

大夫難可與圖存昌望其能以君霸哉豈知際遇之通

塞而功名之顯晦因之人苟抱有用之才一旦得時而駕際

遇既通功名遂顯焉得以其前之所為而議其碌碌無能

耶 是非矣之智於秦而愚於虞也吾讀秦誓終篇穆

公蓋尊信黃髮者也矣也以老耄之年而神明奉之其視

在虞時之旅進旅退者何如哉七十以前之歲月空拋七

十以後之風雲忽合遭際何真敢不感激而圖報霸圖之

展也以東道不通之秦一朝拓土開疆遂列會盟于上國則

老成人之謀國周矣假使矣不過秦豈能顯勲名於沂渭

以西哉亦非矣之厚於秦而薄於虞也吾觀三良殉主穆

公又善得士心者也矣也以羈旅之臣而腹心委之其視

在虞時之淡焉漢焉者何如哉痛故主於馬齒之前遇

興君於牛口之下經綸煥發頓覺氣象之一新霸業之

隆也以西陲僻處之秦至今龍興虎視如爭雄長於中

原一孤臣之詒謀遠矣假使秦不用矣豈能振聲靈於桓

文之後哉

初八日陰北風甚大終日在館改季芄宣課文是日黃

君楚臣過館說學憲臨溫考試定於本月十七日取齊行文已到縣矣又接永禮書林子耀來函辦考典籍照府試名次造冊不必如前之彙接等例本年余家值辦陟聞此信中心為之一寬宵初寫彌封冊

初九日大晴寒甚終日在館改季芻窗課膳止庵擬作文申後家僕來報震軒妹丈仝社君紫石自丁田來即假館歸閒設至暮更初返舟月色甚佳訪鄭君一山時近二鼓歸寫坐號冊

附錄擬作文

舜之居深山之中與

木石居 即山居以論古聖可先觀其所與居者矣夫舜德為聖人而其始固山中也觀其所與居者非木

石是何嘗思居天下之廣居者聖人也夫居曰廣居則其所與居者不已有天下歸仁之象哉然即廣居時之所與居者以觀聖人而聖人見不若即窮居時之所與居者以觀聖人而聖人益見知此乃可與論舜吾試言舜之所居貳室館甥之日舜固居堯之宮矣其所與居者非九男即二女也顧當其有鰥在下則所居殊寂寂矣垂裳南面之年舜固居堯之位矣其所與居者非五臣即四岳也顧方其側陋未揚則所居殊鬱鬱矣且夫舜之所居正不一矣陶于河濱漁于雷澤耕稼于歷山之下要皆可作深山觀也吾攷皇古之民有構木為巢者

矣有鑿石為室者矣舜之居汭毋近是然深山之居舜豈
絕無所與哉抑豈別林所與哉今夫山之中其於蔚而成
林者非木耶其礪礪而塞徑者非石耶然則舜之所與居
者豈能舍木石而別求所與則謂之與木石居可也夫天
下物之無知者莫木石若也無知者而可與居乎然而
木乃山之精英石乃山之筋骨木石固與山俱來者也
有山即有木石舜既居是山焉得以其無知也者而恥
與為鄰天下物之無情者莫木石若也無情者而可與
居乎然而山有木而烟雲滄渤山有石而梯棧鈎連山固
與木石相附者也非木石不成山舜既居是山安得以其

無情也者而羞與為伍試進觀其所與遊者

初十日大晴終日在館改季凡憲課宵初全鄭君一山
寫年貌冊籍

十一日大晴朝在家校對院試各冊籍夕在館改季凡
憲課宵初鄭君一山來代余湊寫年貌清冊余以左眼微
歎不與同寫

十二日朝雨往王君廣壬王卿家送殯夕霽在館改季凡

宿課宵初全鄭君一山步月出南門過陳府廟觀劇演
百花臺傳奇三鼓始歸

十三日大晴晨有霜在家彙釘院試各冊籍夕在館改

季茂憲課閱止庵先生擬作四書文後二比宵初月白如銀張君肖維過訪索觀近作坐談至二漏下始去

附錄擬作後二比

國家將興必有禎祥

應天以寶不以文故仁

君圖治議封禪則讜讓未遑禎祥而言必有得毋過于文飾乎而非文也國家景運初開舉百年昏塞晦盲之氣盪滌一新於是日月煥其光華星辰昭其景慶下至草木蟲魚各得遂其天性而野繭生嘉禾茁皆思出其異以顯皇極之休徵蓋明王興起其幾之先動者理有確然可憑也夫豈諛臣文飾之辭所得與聖人語常不語怪故大儒修史遇符瑞則刪削不書禎祥而

言必有母乃鄰于迂怪乎而非怪也國家太平有象合兩間五行百產之精英華盡洩所以麟鳳呈其儀舞龍馮獻其圖書其在山林嶽瀆豈知媚我君王而榮光溢寶藏開皆欲效其靈以彰一朝之瑞應蓋大業勃興其兆之先見者事固灼然可信也夫豈方士迂怪之說所能參

十四日大晴晨有霜在家

彙釘院試諸冊籍申刻往

王君曉周

楨幹

家送葵宵初有月黃君楚臣鄭君一山

蘊齋穉菊昆仲代余填試卷名并寫年貌各冊

十五日大晴寒冷甚酷終日在館改季茂小課題文鄭君

一山舉一男拜余為義父是夕咳名之日邀中闈公子
書閱樽二字以名之宵初月明如晝黃君楚臣過訪相
與檢點諸冊卷即時送署蓋印

十六日陰終日在館改季芄宵課宵初在齋中挑燈構

呈詞為唐宗師景宗學士將臨溫郡控告革生陳慶

瀛盜掘祖墓事至三鼓始脫橐

十七日陰雨朝在家與黃君楚臣彬臣蘊齋禱菊諸中

表友樵內弟校對考試冊籍夕訪族兄靜山又裝點行

李先邀楚臣田東青伯赴郡聽候學憲臨郡辦公

十八日雨朝往中闈公子家為伯陶詒鈞先生暨蘭叔

詒沅

公子送奠夕在家收拾行囊薄暮全茂珍乘夜航

船晉郡

十九日朝陰晨刻抵郡全茂珍以小舟替載行李歸寓

夕晴閱段紫滄文稿宵初李伊人過訪索觀近作論行

文秘訣至三鼓是夜西北風大起寒冷難堪

二十日大晴余以昨宵睡遲左目復紅視物甚艱心極

焦灼假寐終日宵初就枕震軒妹夫過訪余以睡去不

知而軒兄徑去

廿一日大晴左目紅色微退蒼神終日宵眠甚早

廿二日大晴左目紅色較昨日畧退倚枕靜養半醒

半睡者終日宵眠頗早

廿三日大晴左目紅色大退在寓閱劍虹居制藝宵眠甚早

廿四日大晴朝過鄭一山兄寓夕過李彬臣表兄寓宵初友樵內弟過訪是夜紗帽河失火被焚者四十餘家紅光燭天目為之眩

廿五日大晴朝在考寓賣冊夕看諸考生填冊薄暮寫家函托正和局寄瑞宵初鄭君一山過訪

廿六日大晴終日在考寓賣冊宵初全鄭君一山友樵內弟過郭教諭公寓說填新冊

鄉俗凡新生入學者初次赴郡歲考學書門斗及門政必倩人說填新冊

喜銀富者或付洋四五元或三元或錢三十頁者或錢一千或錢五六百或錢三四百謂之填新冊亦近時陋習也轉過院夫吳乙生

家推算膏伙賬務至三鼓

廿七日大晴終日在考寓賣冊是日辰刻唐春卿宗師馬牌已到寫家函薄暮夏君滌笙過訪宵初過鄭君

一山寓章君味三亦至閱龔定庵文集談至三鼓而回廿八日大晴朝過季凡弟試寓夕在考寓賣冊洪博

卿夫子季凡門人過訪宵初過孫氏詒善試館與項篆仙季凡坐談又拈出二四書題以為課

廿九日朝晴夕陰繹菊表弟自瑞來郡問訊家中消息平安誌喜看諸童生來考寓買卷冊宵初過詒善試館

與項篆仙芑弟坐談至二鼓

十一月朔日大晴終日在寓中看赴考諸童生買卷冊
宵初全劉老元禪菊表弟在考棚前遊行登酒樓飲酒
至三鼓

初二日大晴終日在寓中看赴考者買卷冊是日午刻
唐春卿宗師到郡薄暮寫家函宵初全禪菊表弟劉
老元兄在考棚前遊玩過酒館飲酒至三鼓

初三日大晴朝在寓中看諸赴考者買卷冊夕過李
芸苓表弟季芑門人諸寓宵初早睡為來朝考經古
計也四鼓始起早餐迨聽唱受卷已三竿日上矣

初四日大晴終日在場中作賦一篇試帖一首震軒妹丈代
余作論論題傅介子陳湯論賦題雁蕩山賦以天下奇秀
無逾此山為韻詩題境靜魚鳥聞得閒字薄暮投卷而
出宵飯後早睡為明日考正場計四鼓始起迨進場領
卷時天甫曙

初五日大晴終日在場中作四書文一篇易經藝一篇試
帖一首首題子曰歲寒兩章經題象曰天地交泰后以財
成天地之道輔相天地之宜以左右民詩題敦俗勸農桑
得敦字首題余有舊作忘帶隨身恨恨然作此篇尚
覺機神流走申末投卷領籤而出是夜在詒善試館

為芄弟送考

初六日大晴是日考童生經古朝在寓中看諸廩生
畫押夕在考棚前為芄弟接考宵初過詒善試館與
季恒公子姜君彤軒葉君仲辛坐談至三鼓歸寓
初七日大晴天氣頗熱是日考樂平童生朝在寓間坐
半日午後過詒善試館全項篆仙孫季芄赴簡玉書莊
購書因價太昂祇買來巧搭網冊一部而返薄暮發生
員古學案榜首王國琛余名在次取二十震軒妹文名
列備取第六總計全數五縣約壹百多名此真千古罕
聞余在季芄寓葉生耕經來報聞之蹒跚而返

初八日大晴早起楊君小園來說瑞邑縣前大街失火延
燒數十餘家中心驚駭者半日夕在寓中檢點冊籍文外
號房用截宵初過詒善試館為芄弟改削窗課三鼓歸
寓震軒妹丈過宿以明日覆試經古同伴進場也五鼓睡
起晨炊煮熟餐為一飽始出

初九日陰終日在場中覆考經古賦題擬宋廣平梅花
賦以出羣之姿何以別乎為韻三顧草廬賦以三顧臣于
草廬之中為韻詩題野水無聲自入池得聲字雜作之
題盡夥余以暑促作一賦一詩而已擬題藏有舊作之
韻脚不合故另作出時日已向晚宵初錄震軒正場首

孰是夜瑞安泰順進場為祥菊表弟季芃門人在場前送
考五鼓微雨

初十日冬至節朝陰雨在寓中酣睡半日午後在考棚
前者接考薄暮發童生古學業合五縣共二百餘名榜
首許維中季芃弟在正取第三十一名宵初全祥菊表弟
在酒館飲酒半醉歸寓困倦而眠四鼓始起過詒善試
館為芃弟送考以明早招諸童進院覆試經古也

十一日大晴朝在考棚前遊玩過骨董肆中購來舊詩
箋一紙題為懊惱詩七言四律末款楓溪老漁書五字不
知誰氏遺墨詩頗峭麗亦係名士手筆夕過彬臣表兄

寓宵初發生員一等業榜首王兆藻震軒妹丈名列第八
余竟不售中心納悶挑燈兀坐抑鬱無聊即蒙被而睡

附詳懊惱詞

望歲心情比望君看揮羽扇對斜曛未分

黑白聊同奕畧認丹黃漫論文耽誤伊言盟是海苔留
余住夢為雲仙源特與劉即守雞犬中宵靜不聞霧
迷三里入孤城蟻陣空排夢未成雙淚盡垂何滿子一
聲齊唱董童逃行簸錢已罄還令贖鬥草全輸且說言
最恨自家堤畔柳漫天飛絮洩春情 別來華屋到巖
阿幾處滄桑一剎那夫婿他家貂不足郎君舊巷燕何
多遙天唳鶴纔驚浦昨夜牽牛已渡河辜負陳王空

秣馬但將誠素託微波。也有埋香到馬嵬。幾人真箇
隨樓來事能如願。憑卽福語解贖人愛婢才難棄。難從
多宛轉。又驚又悔。屢徘徊。似聞畧定和親計。一曲琵琶塞
上哀。

十二日是日考。永嘉玉環重生。正場朝陰雨。閱劍虹居制
藝解悶夕晴。在寓中兀坐。半日宵初。過詒善試館。

十三日大晴。是日覆試。吳等生員在寓中悶坐。終日薄
暮。懸樂清提覆牌宵初。雙門外被火延燒者。惟茅屋
數間而已。過季芄寓坐談良久而返。

十四日大晴。終日在寓中兀坐。宵初懸瑞安提覆牌。共
計一百五十七名。余門人季芄在其列。中心為之一寬。康樂
坊里失火。風勢甚大。被燒約數十餘家。夜半祥菊表弟東
裝回瑞。是夜月華皎潔。全美士公子在孫氏詒善試館
為季芄叔印送考。以明早赴院聽候提覆也。

十五日大晴。早晨自孫氏試館歸寓。與震軒妹丈坐談
半日。留午飯。夕全軒兄一山兄在場前接考。而芄弟早出
過詒善試館。覺身子疲倦。倚枕少睡。薄暮懸水泰提覆
牌宵初。月色如水。震軒邀余赴兵房。畫武試諸童花押
過院去。吳乙生家取膏。伏疑不遇。轉過季芄寓。閱提覆
小講。不能入。毅中心鬱悶。拂袖而返。

十六日大晴卯正初刻月食至辰末始復圓早起往吳乙
生家取番餅九枚歸寓軒兄王君星華接續過訪夕獨坐
寓中旅懷難遣宵月華澄潔散步庭前出門過孫氏詒
善試館更漏三下始返

十七日晴朝在寓中閱劍虹居制藝夕酒飲過多沉睡半
日宵初揭永瑞泰三縣新進案吾瑞撥入府學者共十名
較去年加增一名季允適為之殿幸哉聞是夕看榜者
甚衆人如潮湧踏倒不計其數中有一練軍破額裂膚
生死莫決

十八日陰雨天氣極寒朝遣僕杜茂珍買小舟欲往丁田
震軒妹丈家為襟文奉直公送葬船價大昂中止衷懷
沉悶兀坐半日夕錄舊作試帖詩燈右無事余以骨肉
至親為考試之事所羈不及送葬心覺歛甚倚枕輾轉
夜不成眠

十九日雨寒甚山有微雪朝在寓中擬作提覆二起講與
芄弟看題係長搭以前日應試未合法也申後寫家書并
寄震軒妹丈函付季允帶瑞宵苦寒意懶早眠擁抱衾
裯冷如撥水

附擬作

其事上也敬

至

臧文仲居蔡

事上

更伸其敬而不敬者竟以居蔡聞矣夫敬以事上帝子產固與
平仲之善文久敬並著矣彼不敬之大者如文仲何為以居蔡

聞乎今夫敬慎所以不败而驕侈適以取亡此要君之臧孫亦嘗求後而致大蔡矣乃若盡臣心於朝右伸威無亡心咫尺之嚴而作虛器於私家竊位竟切鬼神之奉敬爾在公之謂何獨怪薰蕕殊品者覺心勞作偽轉向朽骨以乞靈也子產之合道恭以行己其先見矣夫允恭克讓讀謨典者奉若著蔡之虔修己安人切躬行者常凜燕居之守列國卿材惟晉盱齊嬰洵堪與惠人之子產比矣豈若楚圍之投龜詬天不能恪恭以將事乎然不徒見其恭也事上待下其合道又如此者聖人之徒也匡章曰_至井上有李衛道者有其人窮廉者有其物矣夫所謂聖人之徒以能述聖言而不失乎人倫者也

若無人倫之仲子養廉不食亦何幸有李在乎且士生三代後行聖人之法行述聖人之法言豈不以躬勵廉隅明其嫌於瓜李哉乃繼起有人甘向異端而獨闢而療饑無術方幸碩果之僅存瞻言吾黨固得聖學薪傳也彼延抱甕之餘生夫亦得天所賜已

二十日雨天色頗寒朝在寓錄舊作試帖詩夕寫書寄孫季凡并拈論題二附寄延曙宵悶極早睡

廿一日陰終日在寓錄舊作試帖詩宵寒極悶坐無聊歸家心急挑燈作寒夜旅舍有懷五古一首

疎雨響階葉尖風吹壁帷一夜不成寐獨坐空支頤作客

已經月出門苦別離區區名與利人生半為羈天涯疇知
已世路多險巖取士誤顏標冬烘良可嗤抱此不平恨照
影孤燈知歲序忽云莫迅疾駒光馳為問春消息窓梅
已破枝平安報庭竹團圓酌金卮不如歸故里聊慰高堂思
廿二日晴朝在寓震軒妹丈倩余抄白紙稟帖為棍徒張
朝龍扣考事夕過曾君溫如處說結銀多少宵初許租
村表兄過寓翦燭暢談至二漏始去

廿三日大晴晨有霜季凡弟自瑞來郡以本晚酉刻唐
宗師傳命進見也過寓談論半日日出止庵先生擬作相示
夕抄舊作文宵過季凡寓坐談良久而歸

廿四日大晴有霜早起代軒兄抄白稟飯後全劉老元杜
茂珍往各新進處收算牌燈錢季凡買舟回瑞余送至
河干而返夕全震軒妹丈過東陽春客棧與學書王質甫
坐談至暮宵悶坐良久始就枕

廿五日大晴朝在寓沉悶不堪抄舊作以解煩夕軒兄過
寓全往書肆中伊購庸菴全集余亦購來春在堂叢
書此書卷數約計四百四十七卷種類紛繁如觀瀚海洵
讀書家之秘寶也宵初全震軒妹丈訪李君中谷賈君
鴻初均過之余又訪唐君黼震說結銀款迨歸寓時交
三鼓

廿六日陰朝全杜茂珍至山脚門訪胡正卿不過又赴各
新進處收取牌燈費午刻金秀珏自瑞來留午飯夕全
震軒妹丈至紗帽河看來福班演劇宵初胡正卿兄過
訪余以昨宵觀書睡遲傷風怯寒身子不快倚枕少睡
朦朧間聞聲即起剪燭叙談至三鼓是夜眠甚不安身
汗淋漓幾浹枕褥

廿七日陰先府君生辰終日全茂珍往各處收取牌燈
費是夕周身筋骨酥麻兩腰尤痛此亦過勞之故宵
眠甚早

廿八日晨虹見日如黃金色天氣頗熱朝全茂珍往各新
進處收牌燈開費夕震軒妹丈邀余同行遊玩到郡東
山下登玉皇閣倚檻縱覽但覺羅浮山色孤嶼塔影一碧
波光上下萬頃飛鳶跼跼在天半雲煙中小如瓜子都
歷歷在目徘徊久之乃下循途過華蓋山謁雙忠祠訪
資福寺尋吸江亭海風甚大余心畏寒少憇即下日向
晚各別歸寓宵大雨挑燈閱曲園稜纂

廿九日陰終日全茂珍往各新進處收取牌燈開費宵
悶坐半夜始眠

三十日雨朝全茂珍往各新進處收取結銀款夕季茂過
寓出春在堂全集相示坐談至暮宵出門收取結銀款

亥刻歸寓代震軒妹丈楷書白稟

十二月朔日甚雨終日冒雨全茂珍收取結銀費宵初
雨霽見星過余君松舫姜君堯夔寓設論至三鼓而回
初二日大晴終日全茂珍出門往各處收取冊結費宵閱
春在堂全集中曲園襟纂是日季芃折柬來招飲余遣
人持名帖婉謝之不赴席

初三日晴朝季芃過訪邀余另擬墨子論一篇呈唐春
卿宗師允之以明日持贈午後全茂珍出門收取結銀款
季芃遣人送到中容先生與梁卓如孝廉書其中論及
墨子頗詳可藉此作為柱義宵初揭武新進榜震軒妹

夫過宿閱墨子閒話至三鼓始和衣而睡

附錄

仲頌先生復梁卓如孝廉書

卓如先生侍史前讀

大著變法通議於中國貧弱竊敗

之故洞究原本俾圓顛方趾之倫昭然發其蒙蔽

微管

之望中外翹切深以未得奉手承

教為憾頃奉誦惠畢

猥荷藻飾謙劣有逾涯分申紙翫繹尤增媿悚

詒讓少

溺于章句之學於世事無所解曩讀墨子書深者其種精

道術操行艱苦以佛氏等慈之指綜西士通統之學九流滙

海卓爾巨派徒以非儒之論蒙世大詬心竊怖之擘校廿

年略有所悟遂就畢本補綴成話然經經說諸篇閱義妙

指所未窺者尚多竊謂此經揭舉精理引而不發遺啟之
論幾欲突過西人惠施公孫龍竊其緒論迺流於僞說口給
遂別成名家一派非墨子之意也拙著印成後間用近譯西
書覆事案校復有所獲如經下云火不熱似即西人熱學之
濫觴蓋熱無盡晰光熱相生大氏不逾二百度已足成火而西
學所能成之熱有增至三四百度者新法日孳熱度所至亦復
無竟則一星之燃不翅久晰矣而說迺以目見火不見熱為釋似
無大深意或非其本情抑或光學家所謂日光帶七色極熱迺
在其暗線內之理先秦時倘已發其端二者之說窺有一當未
能定也又經上云仇有以相櫻有不相櫻也此疑即幾何原本所

云兩直綫于同面行至無窮不相離亦不相遠而不尋相遇
有以相櫻即不相離不相遠之意有不相櫻即不尋相遇之
意此或亦形學之精詣歟又如經下佳景二似即歧光之說
說上無久之不止有久之不止二語似即力學永靜永動之理
若此諸義蓄之胸中者甚多因於西書所見甚少其算例
精繇者又苦不能盡解媿未洞窺宦宦間有管象蠅未
敢著之于篇以執事研綜中西當代魁士又深服雁墨
子輒刺一二奉質未窺卓見以為何如要之此數篇文義
既苦奧衍章句又復褻費昔賢率以不可讀置之爰山刊
誤致力甚勤而于此四篇竟不著一字專門之學尚復如

是何論其它唯貴鄉先達蘭浦特夫兩先生始用天算光
重諸學發揮其惜所論甚少又兩先生未遘精枝之
本故不無望父生訓之失蓋此學咳舉中兩郵微曠絕幾
于九譯迺通宜學者之罕能津逮也近欲博訪通人更為
墨詁補義倘尋 執事庚續陳鄒兩先生之遺緒宣究其
說以惠學子斯亦曠代之盛業非第 不佞 所為望塵擁篲翹
盼無已者也承 詢學約迺前年倭議初成普天憤懣之時
詔讓適以銜恤家居每與同人論及時局憂憤填胸輒有綴
述聊作豪語強自慰藉大要不出 尊著說羣之旨而未
能精達事理揆之時勢萬不能行平生雅不喜虛矯之論

不意衰稟鬱激乃竟躬自蹈之及誦 尊議迺知富強之
源其事深遠非一蹴所能幾深悔前論之孟浪已拉襟摧
燒之矣向亦未以示人不寐 道希學士从何尋之辱荷
垂問彌切顏汗此外間有校緝大都窮狗已陳屠龍無
用不足以即塵 閱覽勉拾舊 刻四種藉用俯自不足當
大雅一笑也每歎陳肌恭叩 著安伏希荃鑒不賜 小弟

孫詒讓頌首

外附奉拙著五冊敬希

答存

初四日陰朝在寓擬作墨子論一篇午刻脫藁夕震軒
妹丈過訪強還改削遣茂珍付季芄藏之余袖鉢錢三
吊赴大街購雜色貨物宵出門收取結銀款途中過管君

中凌邈至酒館飲酌至三漏回寓

初五日雨是日晨刻諸優等生員暨五縣新進諸童赴試
院謝考遣茂珍散給花紅余檢點行李作歸家計午後托
田東青伯佳河鄉船尋覓半日竟成子虛含怒良久宵乘
夜航船歸其夜西北風甚大枕藉舟中不堪瑟縮
初六日朝細雨

陳君諱國榮字瀛仙永嘉慈善家綏亭先生之哲嗣也先生有子六惟君最幼君少時天資聰穎每爲東嘉明經徐公杏汀所器重稍長從富陽明經夏公文若遊窮經濟學多所心得當清末造病料舉學不屑道獨潛心於新學閱歷既久覺世界趨勢非教育不足以救國乃集同志創辦時敏同文兩小學爲吾甌新學先導旋復有志自治力謀根本改革曾入永嘉縣自治研究所畢業後因自治停辦遂無意進取賦詩寫生以自適本年秋由浙江甌海道地方自治講習分所畢業即任永嘉自治講

演員又組織同倫社揣摩羣學志欲實行地方自治因乏互助能力不得充分發展乃鬱鬱於懷故其詠鸚鵡詩有亂時絕色仍凡品濁世能言亦禍因之句也不料講演熱心因勞致疾醫治無效延數日竟不治歿於古曆十二月十三日卯時得年三十有五君生平上詩善書畫每有所作深為儕輩贊許而遭時之劫不得展布所學豈不惜哉同人等誼屬知交情難自己茲特定十一年古曆正月廿三日上午九時假座永嘉城內曾氏怡園開會追悼凡屬

同誼請易哀誄就聯不勝感激之至

